


928
3
1

皇
元
風
雅

皇



風

雅

四部叢刊



皇元風雅

四部叢刊集部

上海涵芬樓藏高
麗仿元刊本原書
板高營造尺五寸
四分寬三寸八分

詩之爲教存乎性情苟無得
於斯則其道謂之幾絕可也
皇元近時作者迭起庶幾風
雅之遺無愧騷選然而

朝廷之制作或不盡傳於民
間山林之高風必不俯諧於

流俗以詠歌爲樂者固嘗病
其不備見也清江傳說卿行
四方得時賢詩甚多卷帙繁
浩廬陵孫存吾略爲詮次凡
數百篇而求予爲之題辭予
觀其編以靜脩劉夢吉先生

爲之首自我

朝觀之若劉公之高識遠志
人品英邁卓然不可企及冠
冕斯文固爲得之前後能賦
之賢未易枚舉偶有未及非
逸之也若乃僕區區曹鄴之

陋則在所不足錄云至元二
年歲在丙子八月辛巳邵菴
道人虞集伯生題辭



皇元風雅羣英姓氏

○卷之一

伯顏丞相

郝天挺

史紫微

盧疎齋

貫酸齋

許魯齋

張仲疇

李道復

虞伯生

張野夫

元明善

鮮于伯機

趙子昂

程雪樓

閻靜軒

○卷之二

交趾王

徐參政

劉御史

梁宣慰

何理問

張天師

吳宗師

滕玉霄

馮海粟

吳草廬 李伯宗 柳道傳
陳濟淵 馬伯庸 龍麟洲
杜竹麩 俞石澗

○卷之二

安竹齋 明普彥 文子方
歐陽圭齋 袁伯長 杜清碧
楊仲弘 李竹所 何吾山
劉時中 吳敬庭 李長源
楊鵬翼 陳自堂
○卷之四
劉須溪 劉立雪 劉養吾
揭曼石 羅澗谷 孫伯善

○卷之五

黃南鄉 湯子文 劉雲山
申屠致遠 趙半閑 羅滄洲
張周卿 周石原 王性存
趙心遠 趙季文 胡尊生
連伯正 宋本 孫用復
黃河清 胡古愚 劉明叟
高若鳳 張叔賜 許獻臣
趙蒙齋 倪中豈 倪若水
范德機 孫存吾 張息堂
甘東溪 薩天錫 林彥稟
李源道 夏果齋 胡斗南

陳中山

宋梅洞

龔子敬

梁隆吉

李古淡

李誠泉

彭容庵

仇仁近

吳漢儀

○卷之六

何頤貞

黃子肅

張希孟

趙茂原

楊達可

吳仁傑

鄧或之

陳敬翁

蕭南軒

陸文圭

陳魚村

易炎正

張嗣良

何太虛

陳晉齋

甘虛庭

凌虛谷

高孤雲

應居仁

姓氏畢



皇元風雅卷之一

前集

盱江梅谷傳

習

說卿

采集

儒學學正孫存吾

如山

編類

奎章學士真集

伯生

校選

○劉靜脩

先生名因字夢吉保定人

裕宗皇帝在青宮聞其賢以贊善大夫召至京師未幾

以親老求歸養居數歲

朝廷尊仰德義拜集賢學士又以疾辭踰年遂不起

年纔四十有五縉紳惜之

黃金臺

燕山不改色易水無新聲誰知數尺臺中有萬古情區區後世人猶愛黃金名黃金亦何物能為賢重輕德輝

照九仞鳳鳥繼一鳴伊誰倚巢坐見飢爲爭周道日
東漸二老皆西行養民以致賢王業自此成黃金與山
平不救兵縱橫落日下荒臺山水有餘清

程節婦

兵塵浩無際烈士難自全婦人無九首志欲不二天燕
山翟氏女旣嫁夫防邊一朝聞死事健婦增慨然生有
如此夫早寡非所憐求尸白刃中負土家山前事去哀
益深義盡身可捐無兒欲何爲所依惟黃泉鄉鄰救引
訣烈日丹衷懸誰辨節孝翁重賦睢陽賢我昨過其鄉
山水猶清妍聞風髮如竹飄蕭動踈煙千年吟詩臺我
義大寧巔爲招馮大師和我節婦篇

有大如天地

有大如天地日夜長乾二有小如蟻蟻營生誰使然我

亦形蹟中豈得獨安閒萬物相爲用錯綜盈兩間如身
百骸具少一爲不完有形無虛生豈予獨贅偏森然氣
分內旣有不可鑿蟻蛇誰宥之生二亦能延安有人道
尊堙滅獨不傳乾二以爲師餘者一聽天

燕平李仙臺

碣石來海際西南奄全燕中有李仙臺燕平欲昇天燕
平骨已朽蹟臺猶相傳雖復生青松歲久摧爲煙極目
望海波不見三山巔三山巨鰲簪山人蟻蝨然使無不
足論信有亦可憐大塊如洪鑪金石能久堅天地會有
盡何物爲神仙空山無星鶴落日下飢鳥今古非一臺
浩歎秋風前

登武陽

朝遊樊子館晚上武陽城潮接滄溟近山從碣石生斷

虹雲淡白返照雨疎明日暮悲吟發樵歌已慘情

易臺

望中孤鳥入銷沉雲帶離愁結暮陰萬國河山有燕趙
百年風氣尚遼金物華暗與秋光老杯酒不隨人意深
無限霜松動石壑天教搖落助秋吟

山家

馬蹄踏水亂明霞醉袖迎風受落花怪見篋重出門臺
鶻聲先我到山家

○伯顏丞相

度梅關

馬首經從庾嶺歸王師到處悉平夷擔頭不帶江南物
只插梅花一两枝

鞭

一節高芳一節低幾回敲磬月中歸雖然三尺無鋒刃
百萬雄師屬指揮

○郝天挺

麻姑山

路入事幽景便嘉石田瑤草帶煙霞注經洞古亡遺檢
養藥爐存失積砂青鳥空傳王母信絲鸞應到玉皇家
岩扉不掩春長在老却碧桃無數花

○史紫微

江南曲

風淒露冷江南岸瑟二寒波秋練二採蓮歌斷紅雲空
蘋葉芦花結新絲鸞鷺鸕鶿俱可伶相呼相倚沙甯眠
白頭漁子搖蒼烟一双飛上枯樹顛

荒塚謠

荒岡斷龍誰家墳經年无主高草繁土崩棺蝕漆灯滅
狐狸作巢生子孫牧童燒火山葉赤花磚并裂松行根
牯牛作群來斫角折碑尽是淡土痕夕陽未下燐火出
陰風刺二雲昏二精靈月下相往來嗷嗷善緣如人言
君不言昨日城中車馬客又來尋地為真宅

○盧踈齋

題太白墓

大雅清風久不聞一盃聊為洗荒墳朱絃三嘆無今古
說与江東日暮雲

婺源縣齋書事

竹樹映清曉坐聞山鳥鳴瓶花香病骨警雨挾詩声客
亦非餘子春無負此生明朝予問俗吟罷却須晴

書梓山堂經室

問俗來山郭携春到竹溪花香破禪寂林樾受鸞啼欲
和觀音偈聊乘醉墨題閑雲若留客不肯為余西

題子陵釣臺

雲山蒼二方煙木稠石灘潺二方江水流故人方冕旒
先生方羊裘使人皆先生方誰其伊周使人不先生方
誰其巢由可仕止又速方舍聖人將焉求清風一絲方
豈為名釣焦黃荔丹方香火千秋岸下幾篙方榮辱之
舟先生一笑方白雲收

○貫酸齋

白兆山桃花岩

美人一別三千年思美人方在我前桃花染雨入白兆
信知塵世逃神仙空山亭二伴朝暮老樹悲啼發紅霧
為誰化作神仙區十丈風烟隔淮浦暖翠流香春自話

手燃殘霞香細末幾回雲外落清嘯美人天上騎丹鶴
神遊八極栖此山流水杳然心自閑解劍長歌一壺外
知有洞府無人間酒酣仰天呼太白眼空四海无纖物
明月滿山招斷魂春風何處求顏色

美人篇

任風彫雪玲瓏温吳姬剪月纖二昏行雲補鬢翠光滑
鳳凰斗落空山月手摘閑愁八字分青山恨重盃不伸
肌臆汗肤朱粉勻背人揮淚粧无痕霜刀自製石榴裙
閉門不識諸王孫綠烟薰爇藍田玉羅帶隨風換粧束
飛鳥嗚然過長門芳非不忍韶華屋連環步窄玉佩響
霓裳袖闊東風長劍鬆腕瘦竟多情幸拍搔天天亦癢
枕杏帳冷蘭灯沉落花不入芙蓉衾三山路杏銀河深
彩鸞高訴愁人心天与美人傾國色不知更与美人郎

夢裏梅花夢我身万古千年一明月

君山行

北溟魚背幾千里負我大夢遊弱水蓬萊隔眼不盈拳
碧落香銷吹不起茜裙女兒懷遠遊遠人不歸明月羞
宝釵縮髻翠欲流風鬟十二照暮秋女媧鍊石補天手
手拙石開露天醜瓊樓玉宇亦人間直指示君二見否
斯須魚去夢亦还白雲与我遊君山

畫龍歌

老墨糊天霹靂死手擘明珠換胖子一潜渊澤久不躍
泥汚風鬚色深紫虬髯老子家燕城怒吹九龍无餘灯
手提百尺陰山水連雲塗作蒼龍形槎牙爪角隨風升
逆鱗射月千戈声人間仰視詭且听參辰散落天人驚
濂湘浮黛娥眉輕太行不讓蓬萊青烈風倒雪銀河傾

珊瑚盞闕對不平吸來噴出東風迎春色万国生龍庭
七年旱絕堯生靈九年滂漲舜不耕尔來化作爲霖福
爲吾

大元山海足

觀日行

丁巳春三月余之所謂室陀山顛有石曰
盤陀可觀之初疑其大不可量既歸宿作
方夜半之餘詩僧曾山同賦

六龍受鞭海水熱夜半金烏變顏色天河譙電斷驚騰
刁擊珊瑚碎流雪朔方野客隨雲閑乘風來遊海上山
飛飛拖空渡香水地辟中原雜聖几壯鰲九尺解霜鼓
瘦紋巨大自掀舞驚看月下墨花鮮欲作新詩受龍女
人生行此丈夫国天吳立濤欺地窠乾坤空際落春帆

身在東南憶西北

采石歌

采石山頭日顏色采石山下江流雪行客不過水无跡
難以斷魏招太白我亦不留白玉堂京華酒淺湘雲長
新亭風雨夜來夢千載相思各斷腸

別離情

吁別離之苦兮蒼梧之野春草青黃陵廟前春水生日
暮湘君動輕翠脩竹亭二染紅淚又聞垓下虞姬泣斗
帳初驚楚歌畢佳人閣淚棄英雄劒血不銷原草碧何
物謂之別離情肝腸剥二如銅声不如斫其竹前其草
免使人生爲情老

題庐山太平宮

山上清風山下塵碧沙流水淺如春不知松外誰敲月

驚動南華夢裏人

芦花被

僕過梁山泊有漁父以芦花爲被僕尚其清欲易之以紬者漁父曰君尚其清願以詩輸之

採得芦花不浣塵綠莎聊復藉爲裯西風刮夢秋无際
夜月生香雪蒲身毛骨已隨天地老声各不讓古今貧
青綾莫爲鷺鷥妬欸乃声中别有春

題陳此山扇五首

秋鳴无数醉秦娥却把輕風惹扇羅明月碧澄天似水
此山雲氣動纖波
紅旭如鉛海上來蒼二煙霧小蓬萊東風昨夜醇如酒
吹得桃花蒲樹開

翠幙低垂護午陰碧瓶裏面水痕深東風截斷人間熱
勾引清涼養道心

一簾明月倚闌干宇宙尤宜就夜看飛上仙槎何迭近
手招沆瀣海銅盤

功成不用服丹砂笑指雲霞摠是家清曉山中三尺雪
道人神氣似梅花

許魯齋

趙氏南莊

曉起北窓涼清談戩羽觴入簾花氣重落紙燕泥香夢
裏青山好吟迷白日長秋風載書籍相對築茅堂

和先生姚公

去二迷途莫問津問來还恐不知真因時用舍固有命
與道卷舒不在人百尺竿頭愁據險一畚林下樂爲鄰

孰輕孰重何須問夢想故園果在春

贈寶光先生行二首

西山二下竟幽村水竹隣居擬卜君豈意天書下白屋
便收行李入青雲功名唯自英雄立得失防因去就分

万里風沙渺南北請歸消息幾時聞
莫謝風沙老不禁斯民久已渴商霖願推往古明倫季
用沃吾君濟世心甫治看將變長治呻吟亦復化誣吟
千年際會真難得好要先生著意深

偶成

万物備吾身二貧道未貧觀時見物理主敬得大真心
爽星辰夜情新草木春自憐斷喪後能作太平民

病起

花透香風入短橋草抽新綠倚柴荆正憂多病作身累

且喜幽居見物情花為可觀遭天折草因元用得欣榮
世間巧拙都相半不許區區二智力爭

謝梁安抚惠田

晚來幽興入幽居擬即君侯置一區今德久思親慷慨
佳田今許乞膏腴太行西對千峰玉淇水東窺万斛珠
幸着此身於此老願從樂止五人俱

○張仲疇

送許管齋歸山

諸相疊疊入省關先生何事獨西歸心隨道隱貧非病
老得身閑古亦稀行色一杯燕市酒春風二月楚山薇
到家已及蚕生日布谷催耕隴麥肥

○李道復

偶成

日午山中道，停驂進步難。
瀟侵苔徑滑，風入毳袍寒。
在國終无補，全身尚未安。
一樽茅店酒，強飲不成歡。

喜雨

誰調元氣入，淋漓枯槁回。
生口八片時，依舊野雲无。
着莫高天闊，地任風吹。

寄東官二首

艱苦勤劬從俯仰，
尽周旋小試屠龍技。
翻成抱虎眠，脫鉤魚從空漏網。
烏冲天，万事從今始。
灰心未死前，十年陪顧問。
一旦決安危，自合成功去。
應歎識事遲，長城徒自壞。
孤注莫相疑，辟穀求仙者。
高名百世師。

初科知貢奉

百年場屋事，初行一夕文。
星乘帝京豹，管敢窺天下。
士龍顏誰占，日逐名寬容。
極口論時事，衣被終身荷。
聖情

願得真儒佐明主，白頭應不負平生。

金陵懷古

西風聒耳過黃戶，
万水東流草樹枯。
蟾窟一年秋色近，
鵲橋万里客心孤。
青山故國新豐樹，
芳草王孫舊酒垆。
壯志未磨天地闊，
劍光夜二照江湖。

虞伯生

和李平章秋谷小車詩

季餘官草隱晴沙，
相國朝春試帝車。
班馬昼移温室樹，
鳴騶晨度掖垣花。
奉帷每命賢俱載，
趣駕頻煩使至家。
此日龍門誰挽御，
攤經正復待金華。

和周待制朝回即事

二十六竿吹鳳凰，
九重春色絢天光。
卿雲微動旌旗煖，
湛露初晞草木香。
貝葉神師東渡嶺，
金輿勳象北浮洋。

小臣職在歌功德拜手陳詩對日長

岡子原呈王李士

岡子原頭春色濃小車長出看西風雨餘林潤人鳥好
日煖沙平我馬同西引峯亦出東座上東觀樓觀起天中
詠歸莫作匆二晚倘解相逢擊壤翁

奎章閣讀進中卷

玉堂策士詔儒臣

御筆親題墨色新省樹坐移簷底日宮壺馳賜殿頭春
虞廷制作夔龍盛漢代文章賈董醇書閣暮年偏感遇
但歌天寶猶

皇仁

与趙子期趁閣雜賦

日出風生太液波
登橋影裏彩船過
橋頭柳色深如許

伯壽

應是偏承雨露多

兩色輕塵道未乾朝回隨處借花看
增東千樹垂楊柳

飛絮來時近馬鞍

春雲舟二度宮城樓雪初融水未生
行過御溝成久立

起頭枝上有啼鸞

屏風幸坐鬢髭二絳蠅
搖光照暮酣京国多年情
尽改

忽听春雨憶江南

待漏宮門听鑰開袖中進卷
摠賢才奏名殿裏千花合

傳詔堦前好雨來

千花拂檻柳垂絲
昼刻傳呼淑景達

聖主自看新進策
侍臣簪筆立多時

文章光燄過長虹
來者无窮往者空
頭白眼昏心力
尽

高堂深夜燭搖紅

陳伯壽

送伯長待制召駕之上都

日色蒼涼映赭袍，
時巡无乃聖躬勞。
天連閣道晨留輦，
星散周廬夜屬寮。
白馬錦鞵來驟裏，
紫駝銀雞出蒲萄。
從官車騎多如雨，
只有楊雄賦最高。

寄池州司直同知

使過池陽聞上日，
好懷浩蕩寫君開。
江干維楫車馬集，
亭上持盃風雨來。
中夜魚龍听語競，
明年鸞鷲候朝回。
九華山色翠可食，
爲問謫仙安在哉。

寄張伯雨

隱居聞道无人識，
囊篋來依積海深。
每遊雲氣得芝朮，
莫怪丹光穿樹林。
茅君自騎一虎下，
木客或與群猿吟。
知子此時正相憶，
逢余躡躡度千岑。

送朱仁卿歸肝江

陳伯壽

羨子南歸肝水上，
過從爲我問臨川。
幾家楠柚霜垂屋，
何處蒹葭月滿船。
應有交游吟遠道，
好從父老說當年。
寒機早晚成春服，
一一平安報日邊。

興聖宮朝退次韻表伯長見貽

尊號於是日，
加上禮成告謝宗廟。
余東出赴茶宮，
翠蓋重三室，
扇斜從官穿柳散。
慈鴉過宮路，
遠紆天步上壽杯。
深閣雨花玉貫兩虹通，
象錦衣成五綵鍊雲霞。
奉伺東出蓬萊道，
春水堦聲踏浪槎。

別成都

我到成都絕九日，
駟馬橋下春水生。
渡江相送謝主意，
過鄉不留非我情。
鸛鷓輕筏下溪足，
鸚鵡小窻知客名。
幸得郵筒酒易醉，
夜深衝雨浣州城。

廿五日即事呈閣老諸孝士

松陰鳴立候宮車風送宮花着白鬚水影漸移簾側畔
鶯聲只在殿東隅近床擬進新琴操載筆難題古公圖
太液雨餘波浪動龍舟初試散魚鳧

贈星上人

潭北湘南无影樹一花吹渡海門潮天香滿室定初起
雲氣上衣身欲飄室月夜寒龍在鉢銀河秋近鵲來橋
豈无一箇卬州竹與尔孤松伴寂寥

送可無上人

五公昔講時听者不起坐虛空悉銷殞何由見人我名
字誰與安說義話已墮尚自无亦无更問可不可不見
天雨華誰能拾餘朵

賦疑雲石

海石不盈握賸然如委雲危岑集遠思虛竇極微薰天
高大華斷日落香炉分几硯亦清潤文章互氣氤潛雷
起神谷震驚天上聞亟視恐無及化為九龍文

陳伯壽

送兄德脩南還

老兄五月來作客八年不見頭揔白五人兄弟四人在
勿憶中郎淚沾臆我家蜀西忠孝門无田无宅惟書存
兄雖筦庫實父蔭弟竊餘澤承

君恩文章不如仲氏好叔氏最少公亦老五郎十歲未
知孝嗟我胡爲長遠道諸兒讀書俱不多又不力耕知
奈何憂來每得二三友看花把酒臨風賦蜀山嵯峨婦
未得盤二仙壠臨川側碧梧翠竹手所移應與青松各
千尺南風吹雪河始冰兄歸烏帽何榮二明年之身向
天子共讀父書歌大平

澧州謝家通濟橋

澧有蘭芳沅有芷相望消二隔秋水蛟龍迴夜隱波深
虹霓乘晨駕駕空起千年石尉何西東夫下有道津梁通
朝祠東皇蒼雲中行人无忘懷謝公

題南野亭

門外輕塵接市高坐中春色自幽亭垂橫北極知天近
日轉東華竟地靈前澗魚游留客釣上林鶯轉把杯傾
莫誇韋曲花无賴獨擅東南兩後青

題九歌圖

太乙神君號東皇玉質要妙含和陽生二炁始通微茫
綿二蒸空神中央浮英上羅文天章覆冒下滿谷与阮
旁空无間灵无方灵來乘乘往乘剛相君夫人鎮相望
倩温靜好非淫傷司命元老元氣昌手執藜杖色老蒼

歷劫壽命不可量少君之壽同其長离无異体合有常
出入万化終不望晶明發晨上搏葉海天赫二真金芒
贊鍊不滅長垂光河源混二流湯二伯也坐視无迎將
千古万古何堂二彼幽為厉為強梁朝裡暮豹方鳴張
精魂熠耀志意荒招之不反巫元良亟生作歌沉九湘
世人傳声空尋詳祝融仙子調玄黄九神出圖百怪藏
不信請視真公章

題趙子昂馬圖

憶昔從公侍書殿天閑過目如飛電池邊終有晚豪人
神駿誰能誇独善今公騎鯨隘九州人間空復看驂騑
惟應御氣何相逐黃竹雪深千万秋

張野夫

壽李秋谷

璿階曾共近清輝一旦雲鵬九万飛拜入中書今亦有
兩封上国古全稀霜侵吟袖趨朝去香惹官袍侍講歸
同使斯文路壽域且休回首北山薇

元明善

寄翰苑諸公

蒼烟綠樹滿汀沙負手行吟日又斜
工水有时穷地脉海雲何處是天涯
生前戎醉樽中酒夢裏曾來海上槎
惆悵懷人重回首晚風吹及紫薇花

送湖南李直夫憲使

君去湖南我上京思君欲見又羌城
滄波留月能歸海江鴈拖雲不到衡
一代豪華誰遠識百年驚畏護灵名
好來不作男兒事有水可漁山可耕

送董慎齋左丞討賊

負劍光驅意氣閑也勝局踏着儒冠
古來每說從軍樂此去不辭行路難
使節拜臨民志定兵鋒一奉賊心安
書生奮力效馳逐要寫功名久遠看

題天冠山

仙翁昔往天冠山夜呵鬼神衛炉丹
二成飛去杳不还藥池丹井猶山間
翩翩二李子風佩環華掾鉅櫪青雲端
思玄尋躡果安訪鶴歸月落前溪灣

跋南嶽壽寧觀碑後

朱陵灵臺天柱巍太虛空洞綠煙扉
上館赤帝朱鳥飛祝融宅南參為旗
羲娥兩曜懸蔽虧象緯分偏嗟位迷
四觀巖吳与秦齊恒嵩泰華孰與卑
五氣順布百志熙流祥阜物宣后祇
兩風靈雷豈其私惠尔下土尸者誰
中有異人餐赤芝夜眠秋霞昼天倪
衣以青雲裳白霓

風車八極駿兩螭七十二峰足幽棲琳宮貝闕輝陸离
潛光煉魄如嬰兒大丹八咽无竭飢誰其思之吳宗師
神交倏忽万張弛冷然御風渺何之太君歲晏喜丁期
千秋万歲受鴻釐

皇圖景運永以不手持芙蓉朝紫微旋飈天闥此來歸
彭亨荅既達亦垂磨崖鐫我璿華辭

鮮于伯機

望嶧山

東方巨鎮宗岱宗群仙列侍臣妾同西南崛起一萬仞
却立不屈如爭雄何年天星下天宮墜地化作青芙蓉
外如刻削中空同霞風玄圃遙相通我昔東遊訪青童
群仙招我遊中峰悔不絕粒集雲松失身誤落塵網中
如今可望不可到臙丹空羨冥飛鳴神仙可奈事亦脫

安用脣二悲秋蓬吾聞澤陽有孤桐鳳皇鳴処朝陽紅
安得斷為宝琴獻

天子為民解愠歌南風

○趙子昂

送吳汀洲

七閩南去路崎嶇五馬承恩出帝都地氣喜聞全有雪
民生寧似昔无襦山城酒美傾鸚鵡旅館春深所鷓鴣
他日相思應恨二離筵不思賦驪駒

采石

天門日湧大江來牛渚風生万壑哀青眼故人携酒共
双眉今日為君開蒼崖直下蛟龍吼白浪橫空鶴鶴回
南眺青山懷李田沙頭官渡苦相催

過岳武穆王墓

鄂王墳上草離離
秋色荒涼石獸危
南渡君臣輕社稷
中原父老望旌旗
英雄已死嗟何及
天下中分遂不支
莫向西湖歌此曲
水光山色不勝悲

即與

春陰柳絮不能飛
雨足蒲牙綠更肥
政恐前河驚白鷺
獨騎款段遶湖歸

絕句三首

庭槐風靜綠陰多
睡起茶餘日影過
自笑老來無復夢
閑看行蟻上南柯

橘子花開香四隣
綠陰如染淨無塵
幽齋獨坐鳥聲集
萬累不干心地春

自有天地有此溪
泓澄百折淨无泥
我家溪上无人到
只疑身在青玻瓈

漫興四首

竹色雨餘碧
蟬聲風際清
方池貪綠水
中有織鱗行
浮沉各異態
亦是悅吾情
坐久不成起
待得月華明
露生夜將半
澹然无所為
草根虫鳴歇
松梢螢度遲
城市多塵雜
令人心不怡
茲立亦可老
已與白雲期
春晴浩元端
野望欣有鴈
山花眩桃李
澗影瀉松竹
鳴鶴聞九臯
白駒在空谷
好鳥何処來
啼破林煙綠
揚舸清河流
開蓬素秋曉
欄班被岩花
委蛇順流藻
天晴去鴈高
野闊行人小
故園歸有期
客愁淨如掃

和子俊感秋

秋至忽十日
天宇豁然清
涼飈旦夕至
林木發商聲
良夜不我與
慨然心自驚
古人久已逝
念之動中情
苦心嬰世患
只博身後名
今我將无同
聊復得此生

晨興理孤榜，薄言東郊遊。清風吹我衣，入袂涼飈。二幽
花媚時節，弱藻依空流。山高碧雲歟，日出白煙收。曠野
得我懷，欣然消我憂。中流望城郭，忽二佳氣浮。人生亦
已繁，惠養要須周。約身不願餘，尚恐乏所求。且當置勿
念，變化終歸休。

奉隆福召命赴都過德清別業

驟膺氣候，交幽園卉物。凄山雲石上，起春鳥雨中。啼牽
衣憐，穉子辛。悞山妻苦，被虛名累。未得遂高栖。

雪石同子俊遊何山次韻

同是清閑客，俱為放浪遊。晴山依雪壯，野水帶冰流。風
急松杉亂，年登菁麥收。生涯須未老，吾欲覓菟裘。

送耶律伯強得請歸東平侍父

麟鳳出瑞世，不受震衡拘。郊藪亦可遊，宜必在軒除。明
射靡遺才，治世容隱居。振衣蒼苔間，脫袿風露漚。艱進
我，獨退卓然君子儒。西浚有芳躡，東門祖兩踈。路人亦
嗟惜，哀哉二大夫。伊余獨何幸，乃得免送車。恨不生羽
翰，与子東南俱。臨分无以贈，善保千金軀。

贈別夾谷公二首

驅馬原隰間，經時不違休。昔來日在斗，今去麥已秋。王
事有裨益，宴安非所求。翩二長風翼，一幸遊莫留。誰令
麴瓜繫，自懷離別憂。

青二蕙蘭花，含英在中林。春風一披拂，胡能見幽心。相
去千餘里，會合大江濤。促席談今古，知我亦何深。此別
雖非遠，因思渺難任。公其愛，休素尚无金玉音。

日出晨景淡散髮步中庭仰見濯二柳春風暢入情茲
晨豈不佳誰能念陰晴人生亦良晚疲勞竟何營乃事
可撥置舍道焉求成

出都

都邑何雄麗車馬日夕喧雞鳴趨蘭省日夕不遑眠茲
晨奉明詔馳驛東西奔雲積原野白路脩烟塵昏馬鳴
朔風起吏士慘无声还顧望帝鄉更竟勞心覓我今无
家客斷蓬离本根願為双飛鶴奮飛入青雲

張營事遂初亭

青山窈神京佳氣溢芳間林亭去天尺万狀爭自獻年
多嘉合合春晚花自殿雕闌留戲蝶昼梁語嬌燕退食
鳴玉珂友于此終宴鍾鼓樂清时衣冠集群彦朝市塵
易侵齋書味方遠紛華雖在眼道勝安用戰初心良已

遂雅志由此見何事江湖人山林未成願

送夾谷分省陝西

憶昔長揚擢于時始識公堂二九尺幹落二萬夫雄補
袞弥縫密能書點畫工勞謙延士類豈弟到兒童黃閣
歸人望青雲有父風驅馳常扈從奏對每留中暫輟尚
書履榮分陝右弓秦山依昼錦燕雪感飛蓬粉署趨承
旧瀛洲黍竊同因公動鄉思飛夢到江東

題商德府所居桃源春曉圖

宿雲初散青山濕落紅纈紛溪水急桃花原裏得春多
洞口輕烟搖綠蘿二二搖烟掛絕壁飛流直下三千尺
瑤草离二蒲澗阿長松落二凌空碧雞鳴大吠自成村
居人至老不相識瀛洲仙客知仙路點染丹青寄輕素
何處有山如此圖移家欲向山中住

題二喬高

長江東去水涵二誰謂河廣不容刀中有喬家女兒淚
何意師昏隨二豪龍虎相爭欲相啖鸞鳳鍛翻將安逃
不見當時老諸葛獨聘醜婦何其高

書事四首贈孫思順

溪上東風吹柳花溪頭春色淨无沙白鷗有信忘機事
玄鳥猶知有歲華錦纜牙樁非昨夢鳳笙龍管是誰家
令人長憶東陵子擬問田園黍種瓜
天涯相遇兩相知對榻清談玉屑霏芳草漫隨愁共長
青春不与客同歸薰風池館蛙舌老落日簾櫳燕子飛
南浦它年重到日胡山應識謝玄暉
露下碧梧秋滿天砧声不斷思綿二北來風俗酒存古
南渡衣冠不及前首宿總肥宛騷裏枇杷曾泣浣婢始

人間俯仰成今古何待他年始惘然
層巔官閣戕時脩檻外長江空自流白露已零秋草綠
斜陽雖好暮雲稠平南籌策張華得治内又才暮亮優
景物未窮登覽異角声孤起甕城秋

感興

三月江南鶯乱啼百花爛熳柳依依
殘紅無數迷歌扇嫩綠多情妬舞衣
宝鴨焚香川上暝盈缸擣鼓月中歸
只今零落秋風裏把酒无言對落暉

題山堂

手種青松一万栽山堂留得羣屏隈
推窗綠樹排檐入臨水紅桃對鏡開
山雉雖迎朝日去曉禽啼傍夕陽來
山妻亦有幽棲志數日逢留不肯回

過故發苑

一片中原地紛二我戰爭至今將不去留與後人耕

題秋胡戲妻圖

相逢乘下說黃金料得秋胡用計深不是別來渾未識
黃金聊試別來心

丙吉問牛

博陽陰德澤堂廊民物周流鬢髮蒼尚為吳楚駐車問
諸公但飽大官羊

題陶母待賓羊卷

范達誠孝廉陶侃固英特英特未可知門有孝廉客傷
哉陶母貧剪髮易酒食此意固自佳此髮足可惜此髮
足可惜兒心將奈何丈夫淡相與宜以酒食多平生郭
林宗何如茅季偉

程雪樓

寄牧庵參政

黃雀山頭楚觀鍾喚醒塵夢天從谷歸來坐听春林雨
还憶簾前翠万重

閻靜軒

梅杖

棟遍西湖万玉珂春風入手重壓愁交闌青黃竹能香不
較品鳩麻奈俗何声破夢寒霜蒲戶影隨詩瘦月橫波
只知功到調羹尽不道扶持力更多

皇元風雅卷之一

皇元風雅卷之二

前集

交趾王

大明殿侍宴

班陪玉筍侍紅雲日表熙々瑞氣温方泓朝宗滄海闊
衆星環拱紫宸尊雍容湛露歌詩什彷彿鈞天入夢魂
孤孽秋毫皆

帝力願強忠赤報深恩

送駕至上都過關口而回

控轡追隨寶馬群古長城外送金根仙蹤縹緲鳴聲遠
客路崎嶇燕尾分喜見重瞳開日表何勞八翼夢天門
梅岩有約人知不幾處朱欄看白雲

送元明善赴京

江流脉脉草離離，黃鶴磯頭酒一卮。報國忠心憐我老，論文半面識君遲。正當宰鼎調梅日，又是長亭折柳時。收拾琴書歸路穩，鳳城依約更相期。

送李允川平章赴闕

雪洒長亭酒滿斟，楚山千疊水千尋。梅清半識平生面，桐老相知太古心。鴈影南樓孤月冷，馬頭北闕五雲深。二毛越叟情無限，獨向南窓袖手吟。

挽卜隣吉夕河南王

哲人萎矣棟梁傾，回首西風涕暗零。三世功名今古史，百年過客短長亭。手扶紅日名猶在，身就黃粮夢不醒。記取汾陽舊勳業，紫薇留種繼芳馨。

万歲山侍宴

碧漢鳴鳶隔世塵，五京開宴會星辰。舜迴蒼脊千山雪，

酒上

龍顏万国春物被，仁風滌

御苑水流

聖澤溢天津，越南羈旅陪賓列。咫尺光瞻日月新。

駐馬渡頭

大別山頭漢口前，吳王磯下沔城邊。立殘秋水隔灘鷺，噪落夕陽何處蟬。赤壁冷煙銷魏卒，黃州淡月照坡仙。英雄滿洒名俱在，我愛吟狂不媿天。

鄂館書懷

蕭然孤館起淒風，半壁青灯照病容。滴碎秋心窓外雨，敲殘曉夢枕邊鐘。衡陽鴈斷三千路，巫峽猿啼十二峰。不及關山回首處，暮雲疊疊水重重。

秋晚睡竟

海水盈、漏轉籌霜風吹角出譙樓夢殘淡月五更曉
心遠孤雲萬里秋玉帛幾年賓上國詩書半世老中州
平生事業渾如昨無奈青燈照白頭

○徐參政

題吳城山石磐

窈窕窈窕中應雙一在陳庭一此鄉樵竒已隨毛血化
石稜尤作劍鋒剛知音士適逢坡老得宝神陰相讓章
廟令收藏要如法試看垂矢在東房

○劉侍史

九日按上都過陸丘

瘦馬行吟萬壑中浮萍身世幾西東山空雨洗千山翠
酒薄顏添半面紅滿徑荒叢摧夕露一庭黃葉走秋風
陸丘又過重陽節流落天涯愧老翁

過陸丘縣

白露擁蒼石紅葉浸寒水騎馬下山來啼鳥忽驚起

○梁宣慰

過湖登樓

樓前秋水健帆開樓外秋風舞袖回萬里梯航通鳥道
四時風雨護龍堆江山如此不一醉歲月幾何能再來
欲問老髯求鐵笛夜深吹上紫荆臺

○何理問

題宜春臺

山外青山樓外樓楚雲迢遞暮天秋千年絲鳳鳴高阜
一道長虹鎖碧流幸自但知天地闊凭闌不管古今愁
二仙縹緲成陳迹我亦飄然賦遠遊

○張天師

四景

初日暉三照翠苔庭前昨夜碧桃開一簾香霧微風動
知是仙人騎鶴來
深院棋聲日正長博山添火試沉香道人鞭起龍行雨
帶得東潭水氣涼
天際涼風似水流山中瑤草不知秋黃庭讀罷無餘事
鈇笛一聲閑倚樓
養就還丹不怕寒獨騎黃鶴上雲端笑談借得天家雪
散作琪花滿石壇

○吳宗師

獲玉印

三茅山道童遇白兔入穴掘之得一玉印
乃九老仙都君印宋宣和時物也

瑤瑛篆刻鎮華陽猶帶宣和雨露香玉兔有靈開地藏
金童无意得天章九重臺上增春色萬里書帛耿夜光
喜遇明時薦神瑞三君珍重互宏綱

六月十六日早

朝偶成八句寄山中諸友
五年四觀六龍飛又領群仙覲紫微金殿煙雲浮繡几
玉階日月麗旌旗群臣奉

聖勤三詠

○勝玉霄

合星移次福江西萬馬攢蹄夜不嘶鼓角聲隨山月上
旌旗影拂海雲低心惟一正千官肅事不多言萬法香
帶得天邊新雨露曉看春意滿御犁

謫會昌二首

莫道文章不直錢，布衣親到玉皇前。好詩未足三千首，又為梅花入瘴煙。

錦衣來作夜郎客，紉扇忽逢春夢婆。太平宰相知我者，誰使醉後任言多。

舟中

拍有懷天可語落，不遇吾何歸。方山蒼々，江水急。明日鶴背西風飛。

贈弓秋蟾

瓊花十里小樓紅，醉吞牛斗眠長虹。十年四海分萍蓬，一笑邂逅滕王洪。床頭回首黃金空，但覓耿耿盤心曾。問蟾何不歸蟾宮，自有老月留身中。誰受一粒金丹紅，孝得紙上畫黑龍。白晝呼吸風雲從，須刻霧暗天濛々。

妙處巧奪造化工，不復知有陳所翁。君不見金陵壁上，不點瞳點瞳霹靂驚江東。我欲頌君具毫楮畫一小龍，回顧母曹今天下生孝心，不向江湖長驗兩。

感寓六首

宇宙忽空闊，飲馬萬里流。平生負兩眼，及此行寓州。天清健鶻運木脫，飢鷹投長風吹海兩。濯我紫綺裘，相逢半遊俠。把酒髯如虬，慷慨談史記。歷三山川秋，向來衣帶水日短，何無舟。

吾愛東方朔，高揖金馬門。向非玩六合，安肯來暮會。昂昂九尺身，談辨黃河翻。誰知上書意，蛾眉非自婚。不見馬相如，免首猶監恩。人生非桃李，何故不自言。

吾愛李太白，玩世如游龍。自知天上謫，何必人間容。海風吹綠髮，蕭々卧雲松。我昔夢見之，遺以金芙蓉。清輝

恍在眼月落蛾眉峰

西風桂花落我上天台山仙子扶我手冷然蒼水環乘
騫者誰子飛烟渺難攀三生此遊戲弄影銀河濟空山

忽風瀑四顧鳴濤漫長揖馬子微此豈非人間

春風如綠波淡蕩洛陽柳高樓語錦瑟落花泛綠酒何

人白鼻騮家苴紫貂袖一字或未識銀菟懸兩肘煌二

貝宮珠迺落緯蕭手爰居偶鍾鼓犧牛竟文繡終然同

一尺豈復論好醜誰知草玄者窮巷閉白首

船頭書十乘船尾酒百壺酒盡書在眼落月如明珠忽

俟八陣法縱橫始河圖惜哉經世士未有窺唐虞季子

相六國所見惟陰符

元日對雨

冷雲卷雨宿石阿又見東風長薜蘿宇宙千年光雲亦

關河百戰亂離多缺心不入利名冷綠鬢墜供歲月校
試筆華詩二未穩梅花樹下少婆娑

湖西小樓

不如載酒此凭闌水色山光蔚可餐紫翠挾春排坐濕
玻璃湧月入窻寒蒼茫白鳥明幽岫掩染飛花綠碧湍
但領風光入吟嘯畫船新袖不須看

所見

何時結壘亦雲根隔水人家可輞川萬仞雲山疑曉碧
一乃風日弄秋妍虛名豈用傳身後俠氣猶能累眼前
料理寒香微雨外已拚蕭散待流年

吟到

吟到西風黃葉枯新愁幾點落寒蘆乾坤萬象俱吾有
煙雨一闌何處無流水悠悠二吾道在浮雲接三世情踈

午牕喚醒華胥夢古木岩頭聞鷓鴣

訪隱

西風短褐飛黃埃何不從我遊蓬萊在歌醉舞下山去
後夜月明騎鶴來

吟人

吟人瘦倚曲闌干酒醒香銷午夢殘燕子未來春社去
一簾疎雨杏花寒

夜雨

未到黃昏昏閉門怒雷挾雨過前村老夫熟睡渾不覺
風捲濤聲入夢魂

半生

半生獨受春風感萬感相隨秋夜長隱几無眠听落葉
松梢搖雨濺山房

僧舍

一枕松風入夢清空庭夜雨暗禪灯山中酷愛僧居好
得似山中不着僧

○馮海粟

題黃鶴樓

鶴樓千尺倚晴闌大別山青舞峻鸞昨日英雄無問處
依然江漢湧波瀾

題揚州瓊花

錦帆隱隱到天涯古道殘楊泣暮鴉莫為龍舟更惆悵
廣陵依舊看瓊花

題墨時魚

平生骨氣占南風玉色鬚鱗海汐通莫與粉紅參石首
天機袞袞水流東

旌表申孝子門

竹爨輕輿到處安水溫半菽及情歡寸心不暫三暉置
刀須何如一畝寬高蓋門閭華黼黻班衣歲月老巾冠
造憐續漢書申孝千古申屠又有蟠

○吳草廬

自警一首 前丙寅十八歲作

氣昏昏目臥愛非輕才到更初困倦生必有吾焉常忍之
直教心要強惺三縱當意思沉如醉打起精神坐到明
著此一鞭能勇猛做何事業不能成

元來一片虛靈府埋沒經年滓穢場不特通時多走逸
資於靜處亦飛揚書間常被事牽引夜後猶隨夢攫接
喚起主人翁警息自家三徑不容荒

題閻皂山

漢吳仙跡兩峰齊欲拾瑤花路恐迷室毀青紅疑地湧
林岱蒼翠接天低九重香案分雲篆八景琅函記玉題
仙鶴翔空清似水步虛聲在采梅西

題蘇李泣別圖

節旌盡矣自須存此日生還侍主恩右杖謾循椎結泣
平陵有子產無孫

書李伯時九歌圖後

李家畫手入神品楚賢流風清凜之誰遣巫陽叫帝閭
為招江上歸來魂音紛二音紛二柱高辰遠聰不聞扶
棄初輒海橫雲司命播物淫在鈞洪纖厚薄無齊雲公
無渡公無渡衡風起螭龍怒夜猿啾二天欲雨天欲雨
迷歸路歲晏山中採蘭杜靈脩顏二復去莫然瑤瑤神
女如坎二鼓進芳醕耻作蠻巫小腰舞千年往事今如

新摩挲舊畫空
精神騰身輕
卒一回首楚天萬里江湖
春 送陳小庭之庐山

匡廬幾千閃
崔嵬上有天仙相
往來我欲遊之未遐遠
君今往矣何時回
我遊我意亦無他
君遊君意還如何
豈為昔人詩句好
豈為其間僧舍多
天地升在最高頂
谷籊象天直下懸
銀河我觀此水注
湖注東注入海復
隨海日騰湧上天
偏飛洒飛洒浩二蕩
二無塵界萬生
活動增姿態
流轉無窮萬二載
更萬二載匡廬山不改

晦庵畫像贊

義理密微
蚕絲牛尾心曾恢
廓海闊天高
豪杰之才聖賢之
孝皇星慶雲泰山喬岳

寧可無頃

風吹枯木不搖水激方輪不動
畢竟有木有輪惹起風

號水湧雖如泡影露電也被眼根覷
見諸有都歸空壞萬劫一空長在

李伯宗

送邵天常歸山

搏風徑擬九霄飛
志業誰知與願違
虎豹闕深書未達
雞豚社遠夢先歸
香侵客路花方盛
綠滿家山蕨正肥
去後且從閑處樂
徵書有日到柴扉

柳道傳

八月二日大駕北巡
將校獵于散不刺
詔免漢官
扈從南旋有期喜而成詠

天子龍飛啟聖時
乾坤闔闢載清夷
幸從在鑄承周宴
重喜停邊幸漢儀
御宿常時嚴虎衛
吉行惟日望雲旗

詔恩許免陪駭乘却愧長楊賦未奇

還次桓州

塞雨初乾草未霜
穹庐秋色滿沙場
割鮮俎上薦黃鼠
獻獲鞍間絲白狼
別部烏桓知我驛
他時稽落是何方
長雲西北天如水
想見旌旗翰海北

過長城

道德藩墉億万年
長城護与朔雲連
秦人骨肉皆為土
漢地封疆已罷邊
飲馬窟深泉動脉
牧豭沙晚草生煙
神京近在玄漠北
九域開荒際幅員

京城偶成

毳幕承空挂綉楮
綳繡巨地製文匱
辰祈忽動祠光下
甲帳徐開殿影青
芍藥名花圍簇坐
蒲萄法酒坵新泥
御前賜醕千官醉
坐竟中天雨露低

同楊仲弘應奉和表集賢上都雜詩九首

出塞行瞻日趨朝
喜近天宮來苑囿
馳道絕風煙
蟠水列非遠
峒山層更綿
甘泉多法從
獻賦憶當年
雨水漸衣黑
雲沙際日黃
煙開綵黯
淡日出已蒼
涼徇俗高簷帽
清心小篆香
端居万里念
蕙草惜微芳
謠俗隨方異
津途隔舍迷
醺人唯馬蹕
勸客有駝蹄
殿角孤光淨
城隅雜樹低
天涯中夜舞
如意昔曾携
天潢猶白二
雲暮故青
二積潦推車
軸高風墜
箭前劔宮
塗丹赭聖殿
戶紫金函
女樂蓬萊秋
哀簫動杳冥
幢殿曾雲
陣轅門積雪
峯奇鷹皆戴
角御馬盡飛
龍瀚海將臨
幸二亭望陟
封青丘大明
微有事待
客曹務惟
章白官曹自
法程齋兵侵
雨潤宴兀得
風清歷歷
歷三刀夢行
二萬里城
明年遂耕
隱深仗酒
為名

經遊還絕室際遇復清朝天暑無豪給輕安已禦貂盤
空蓋屢薦觴至酒頻澆貧病諳為客何慚帶減腰

公子青絲纏玉孫綠轆車宴酣風小定舞破日西斜手
擲宮中果神行海上槎築郡毋自厚儉德不期夸

水草方三善言瓠戶二便合園同婦女從戎到曾玄聖
堯千家帳冰瓢百眼泉浚稽山更北長望斗光懸

送宿川謝有源赴閩醫提領

一路青山荔子叢華山西望粵臺東家風蘭玉延塔上
官事參苓藥籠中鶴首去乘潮浪白蟻旁催薦酒臨紅
福州自是炎蒸少鵬雪飛花落半空

題有源圖書卷後

官章文孝範精同摹印書兼篆刻工猶是古人傳信息
雕虫元不在揚雄

贈黃伯中從流川吳先生卒業因之奉簡

夫子祠垣舊巴山闕里門且瞻誰可並文變益宜尊往
卒諸生業行芽百谷利亂流黃濁湧迎宿綠陰繁想到
趨函丈承聞服緒言心將經義治理並聖註存藻績終
迷貨條枚實自根須无遵近軌會有企前轍伊闕如堪
攬河汾欲併奉道初由已致古豈要人捫正要薰陶李
全稀色英温婦裝當相載館績且盤瓊羨尔方朝旭暫
予未及昏仰懷駒皎二深感兕爰三搖席令承間緘辭
莫俾頰度幾薦鳳蕭兼得嗜熊躡鯁誰何勞祝因茲寄
不謾

○陳濟洲

龍額山

巔崖突出眾峯前隱約潛龍枕爪眠怪木秋凋頭露角

宗泉春湧鎮龍涎身橫雲外三千尺眼看人間幾百年
莫待始皇駭入海早升雷雨上青天

海青

怒挾孤風海外來脩翎如劍斫血鬪潛身陟縮千尋起
得意雄攀一點回万里老拳无脫腦滿韉英氣不凡材
山後野雉休回首神物无心到草萊

万壽山

万壽山頭尺五天空同直下小如拳五更霧冷乾坤温
六月風酸甲子漏細草已肥燕地馬奇兵先鎖洪江船
行人竟問征南事墮首蘇杭在眼前

馬伯庸

寄邵允文

故友經年别如今髮白无清秋江鷺浴長夏野猿呼客

含柄書冊齋厨具簪滿知賢不能薦羞澁望東吳

南征

積雨關河温今朝日始晴浮船下夜瀨覓酒近春城鵝
鴨將雛出牛羊傍母眠独憐无侶客万里又南征

哥題杜隱居忠孝齋

徵君家住武夷山白鶴玄猿夜叩關船泛清冷凡九曲
屋分丹壁只三間世人住二知名姓仙子时二定品班
孔壁素交天未喪我多魚豕待重刪

桃花馬

白毛紅點巧安排勾引春風背上来莫解雕鞍橋下洗
恐隨流水泛天台

琉璃簾

吳儂巧製玉玲瓏翡翠艱巒迥不同方縷橫陳銀色界

一塵不入水晶宮月華遠射離三白燭影斜穿細二紅
相隔神仙幾咫尺灵犀一點若為通

○鼎古柏

題韓文公祠

巖奇海怪早相知何事中朝未可歸佛縱有灵那在骨
僧如得道又无衣符分臺嶽天終定福近宮牆意更微
俎豆荒涼誰繼續真摩挲石刻重獻敬

過采石

采石江頭秋月白蛾眉亭下灘声咽綉衣三斧曉霜寒
同是天涯苦行客酒仙一去海生塵青山三尺埋衣巾
清江白鳥自今古岸草汀花空復春我欲御風遊八表
醉裏高情覓三馬馬闔闔雲深不可攀回首江南數峰小

九華山一名蓮花峯住貴溪

江上青芙蓉遙隔秋浦九壑風露寒万壑煙霞古瑤
草含芳春青松立亭午安得一把茅移家白雲塢

鄱陽道中

江上秋風吹斷鴻江頭開遍木芙蓉幾家籬落依紅樹
万壑煙霞鎖翠峯南国風光一盃酒故園魂夢五更鍾
峯頭日近長安遠聞闔闔雲深第幾重

九日鄱江里同行諸公

滄江木落空濤飛佳節芝山酒一危黃菊且陪今日醉
鐵冠不受晚風吹滕王閣上雨雲黑馬臺前草樹衰
何似淵明千古意一篇清絕去來辭

琵琶洲

昌国寺前楓樹秋琵琶洲畔暮雲愁沙頭潮落灘声急
疑是潯陽淚未收

鄱陽和程世民巡警宮

年少將軍意氣雄
迺翁憲府舊來轡
管中詩禮有庭訓
江右衣冠多士風
玉樹青葱秋色重
明珠炫爛月華中
滕王閣上重回首
後夜相思寄別鷗

望玉司山弗克登覽留詩萬年宮

西南山水密玉奇
號奇絕群岫來坡陀
孤峰聳立撐嶮濶
洞煙蘿青老澗幽泉咽
正是南昌尉於茲悟仙訣
一覽快心目洗滌中腸熱
嗟予敢告勞馳驅
待環轍五月登武夷
溪流清且冽扁舟九曲中
兩崖千尺銖歲暮復何之
清江夜飛雪山靈似笑我
身世苦羈紲願言解屣纒
林泉養吾拙

春遊

桃葉凌頭春水生
長安橋上草長青
百年深向花時飲

贏得城南我醉醒

清遠縣尹楊觀政有奇蹟
復能詩文民險服

其化士大夫過者靡不稱頌
故贈此加勉焉

玉節星軺下嶺南
萬山空翠雜煙嵐
風傳清遠多佳政

花雨春城月滿潭

風流文采楊忠肅
南北雄奇古峽山
怪底蠻江無語鳥
絃歌終日水雲間

梅嶺題知事手卷

黃金臺上客
天庾嶺頭春
如是元詩句
梅花也笑人

題碧澗堂

在瑞州鳳凰山
傳李八百女弟
明香真人故居
舊有迷仙洞
上刻仙容

聞說明香真人
李仙華堂
突兀故山顛
四圍亭檻
青雲上

兩岸樓臺綠水邊
龍虎丹成知九轉
鳳凰飛去已千年
旌旗八百俱塵迹
惟有坡翁麗句傳

萬安縣遊道一樓偏高明
舊有公畧張憲
和劉素庵一詩用題于左

五雲閣上北風寒
十八灘頭疊亂山
東嶺一枝春信早
龍泉三尺土花斑
蠻天瘴雨霜天曉
畫戟清香晝日閑
倚遍闌干動高興
一聲道唱水雲間

次韻宗道御史過峽

蒼崖嶮巖奔東流
玉節招搖漾彩舟
雲鎖千山蕭寺古
霜清百尺瘴江秋
白猿一去六王笑
驄馬南來得壯遊
聞道渡荒散帝力
家三麥飯老林丘

番禺道中

玉斧飛霜大庾南
方松蒼翠洗煙嵐
雲迷梧野山羅戟

月滿韶江水潑藍
椰子漿寒殊似蜜
荔枝香暖絕勝柑
中朝著舊如相問
鳥語啾啾正未堪

和元師月曾胡突公子強橫竟以賍敗同憲
岳公齊高王馬二憲掾實共事云

好雨崇朝洗瘴活
越王臺上一登臨
鱈魚已逝白波靜
遊鯤變化滄溟深
六祖泉灵千歲水
百蛮航貢五天金
九重貝闕雲深處
万里孤雲守草心

題叅政高公亮政碑

庐山插天千仞青
明公此心清徹底
厭渠道上射虎多
手搏不待弓与戈
前年魁虜徧南國
創者以充僵者立
洪州父老遮道傍
上書乞留涕泗滂
豐碑大字記叅政
要使遺愛如甘棠
我來觀風聞此語
未見儀容心已許
願公從此召赴中

書皇章為四海蒼生作霖雨

○龍麟洲

陳平章席上題琵琶亭

老大婦娥負所夫忍將離恨寄哀絃江心正好看秋月
却相琵琶過別船

春日即事四首

一夜東風到海棠千桃萬杏不成粧老夫無待亦紅海
自拂銅瓶浸錦香

二月桃花煖欲然牆南美錦正羊綿底須更覓與秦吏
蓮屋春紅即洞仙

病來桑扈老嬾嬾瘦策東風只未闌野菜黃雲山若空
風光何處不堪看

枯藤處二領春華遮莫東風顛帽紗點破無書黃世界

一株香雪小梨花

赤壁

陪呂推袁虎視耽阿瞞氣勢捲江南磯頭一霎東風轉
天下江山自此三

○葉友竹

名留字景良著墨畫延奇錄為今世師法
資治通鑑

君燧著方臣燧臣世間何有敗亡人若還燧古猶為遠
夏后何堂可盛金穀

讀古史治亂

層智聰明允執中萬機四海一家同奈何生長承平後
聞見無非只後宮

○杜竹處

惠山寺行殿

渡江五馬竟忘歸
愁見年三鴈北飛
千里版圖非故國
六朝基緒幾危機
煙藏經葉閑僧錫
風落松花上客衣
前代衣冠已塵土
空留碑碣枕前暉

題獅僧智安石山磊砢亭

磊砢如癡也似頑
精神半在嵌岩間
鬼工驅得平泉石
吟客未逢飯顆山
虎伏不驚飛呼怒
羊躡誰識牧仙閑
詩成箇二頭應點
師亦拈花為解顏

皇元風雅卷之二

前集

皇元風雅卷之三

續

前集

安竹齋

送白雲平章

舟人停棹酒停斟
試听筵前送客吟
離恨早知如此苦
交情不台恁為深
白雲境界三更夢
紅葉園林兩地心
從此卓茅亭上客
抱琴何處遇知音

明普彥

題商山四皓圖

劉氏何如呂氏安
尺書便尔闕重關
次王將發空雲蓋
隆律不道啼紅淚
玉顏鴻鵠盡寒悲
曉殿紫芝香冷然
秋山千年猶昧深根術
又落巴童漏指間

文子方

次元復初韵送虞伯生代祀江續一首

成均十載宛遺經未識沙數長矩亭旌旆曉霞穿化日
文章秋月映華星馬鳴春晝眼江白鷗天低隴樹青
四海車書今混一摩挲劍閣重鐫銘

出宿春城宿霧低閱人老眼似眉梯功名愧我蠅鑽紙
文來憐君玉在泥蜀道連雲暮數馬巴山踏月夜聞雞
贈言却笑瀛洲客吟落梅花日又西

贈別任毅夫御史行臺陝西

金天行秋河漢涼星靄夜起尚書郎隴山晴樹熙化日
燉煌楚道密飛霜天邊為鵲意自遠草間狐兔无苦傷
丈夫樹業方如此探別不用愁中腸

和甯致陶幽懷

時雨息氣鬱高林
雲風蟬端居愜孤尚圖畫
靜當軒涼

颺薄插戶微爽生簡編客來聊与樂客去自復眠
徜徉
求今夕庶以全吾天

送馬伯庸御史奉使閩隴

聖朝啓文運同軌來无方夫君起天闕崛起千仞翔脩
辭陋史漢高步追黃堂迺祖尚書君樹立何堂二昔在
帝世祖祭身事戎行風雲一朝會奕世傳芬芳矧君擢
高科有業未易量斯文繫政教治忽慎弛張出豈无勇
者舍君吾何望勿為守銘藪苟東徒苦傷儼屋京城居
去君百幸此聞君起冠象僮走亦欣喜况當遠于征尤
言詎能已朝風號空乘眾草日披靡河關尚瘡痍聖度
乃弘偉繫彼溷天休能不懷愧耻艱危見臣節維持賴
風紀温言表遺忠生氣凜不死乃知烈士夫豈独魯運
子

題楚山春曉圖

荆門雪霽江樹芳巫峽舟二愁雲長山猿杜鵑叫落月
風灑露沐何蒼涼六龍從東來曉氣開扶桑天高雨絕
人事交解環結珞空相望諸宮西望連三湘畫中隱二
听鳴榔安得置我棲其傍爲君一曲歌滄浪

袁伯長

送華山隱者

黑髯祠官佩水蒼方松深如響琅琅黃精有法能爲酒
紫木無飢可當糧招鶴舞空山月吟檄龍吹兩海風涼
瑤池欲問長生訣碧澗研朱寫綠章

次韻呈周儀之盧伯生

英二雲中君含思歌大乙迴鸞舞天葩流粲曉莫述報
之不成章玉璽耿素質臨風發長謠庸以永今日
昔李次正居之人怒且忘哀掖雜山僂驚笑欲我害天

隱神所藏別之空悵慨桃源闕深費亦復知晉代

道逢李仙人御氣不飲酒我笑初无言彼已嗔我否哀

哉守其愚繫石猶在肘冥化隨悲風淪二骨不朽

義娥挾雙軸冉二若見迫丹臺噉靈霞瓊壑生尺宅控

搏無須更詭幻已千百慎此陰陽機恐虛脫其厄

奇樹生南薰清坐彈五絃涼風颯求古白雲尋蒼煙世

故日已偷倏仰隨歲年折腰尚爲酒猶足青簡傳

少年終青瑩歡至無復恋一爲閩河行常恐不得見新

鴈雲中來飛二落南遠歸心臥無寐寐更促得箭

次韻送友教授閩中

巖二大古樹叢生散珠玕明時炳陽德寒落欲感寒天
風西北來凍海繁會瀾芳朽各有性盛衰詎無端質二
水上發黠二塵中冠宿志不得酌奮飛戡其翰伊南寔

一士羈馮河之干手持大雅篇八音在玉宮墻陰卧朝
日薄飯不滿盤邂逅喜我同金石生肺肝出處非故意
低徊耿相看闕山岷岷海東望通三韓居夷豈有在取
琴為君彈

送邵元道

仲連匡世姿揮手却秦軍掩袂停白日登車抗浮雲射
書誠草二孤城死生分碎榮敦厚俗矯抗離其群
履獅舌轉九揣事精微並事危見交態窮愁名益光黃
金歲逝水白壁處飛霜丈夫有定志得失非豫防
梅生一對微柴二正天紀洗心洞玄化削跡无妻子龍
變孰為別蟬蛻乃真止松廻風冷二水落石齒二
襄陽孟浩然拂衣歸故山放浪岩壑深流沫遺人間幸
袖林花落擊楫江鷗还羊公何隨漢水声日潺二

送世茂許自掾歸武昌

岷江下奔流日夜東南趨銀鬃六十載留客无完居纖
脩掛晴練五老為之庐招彼素人心蒼翠垂流珠義之
銀堂公懷宝耿不據青桐濯探枝下此佳鳳雛絢爛五
色真披霞表亭循清者冥鴻遠逸且蒼鷺俱食竹恣苦
志餐風養真腴誓將八極周覽得為真符歲月諒有書
雲端復躊躇躊躇固吾事在弄悲征途

蒼莽鷓鴣洲日沒楓葉赤昂之虜士恨蔓草化為碧之
士輕且優之人何急空至今千处下投筆五峰鏞銀城
大古雪俛仰一消釋雍容詩書即浩氣烈金石徘徊登
臨意宏波爭如席相逢各万里未契淪夙昔啾嗟語未
罄征鴻起暝色凄凉衣冠聚山海第畢弋醫二兼榆老
人物渺可識停驂望前坡去馬記初驛

歐陽元功

延祐二年二月十七日侍宴北省

臣本江南一布衣恩榮今日及宗微台躔列漢光相射
湛露迎陽晝未晞仙醞飲來生羽翼宮衣留得奉庭闈
酒闌車馬如流水回望紅雲遶闕飛

題孫氏壽慶堂

孫母歐陽九表登外家譜謀自戶陵高年備養人俱羨
同姓升堂我未能好客郎君深巷輟讀書稚子小窓灯
朝廷夢賜尚方帛更待如奪織浩綾

題澧州謝家建通濟橋

慶雲籠日護雲根玉樹薰蕪接澧沅太傅功留召伯埭
相君心競謝公墩已誇蟬蝶綿今古猶羨封胡偉弟昆
珍重書溝二上月時隨車駟勞于門

過洞庭二首

白沙隱二見金齋殿閣憑虛結構半天水渾融浮大極
神人幽顯隔秋夢龍堂深闕靈栖冷象緯低垂客枕高
欲作雷堂迎送曲杜紅蘅碧尺離騷
媧星搏玉掛虛空屹立君山面勢雄一畫儀圖天地骨
九江鯨觀鬼神功裾翺帝子蒼茫外樂奏鈞天傾洞中
頗恨當年鄒魯客觀瀾未到楚諸熊

夜宿寺前農家

漢南旅店已星稀倦宿田家帶落暉蕭寺依山聊復尔
鄴侯送酒是耶非風餐并竟凉生飯露坐俄驚月在衣
老子漫遊吾漫送登山臨水澹忘歸

西明道人每一相見去必求詩余亦不能鄙
武昌堤上水雲身二十年來識道人只為漫遊相見少

故知臨別贈言頻
幢三車馬紅塵老
靡二江山白髮新
邂逅一回詩一首
錦囊千首未爲貧

寄諸弟七絕

長樂鐘聲拆曉時
三台八座列參差
自憐手把天瓢水
一滴鄉關不得私

聖主宮中遊幸踈
日臨秘閣看芸儲
今朝蘭省初開試
清曉玉音催着書

省垣東畔至公堂
十五年前戰藝場
飽食大官元補報
兩科來此校文章

御史承差鎖院門
使臣傳語出天閭
試官被命連鍾入
同榜三人入謝恩

仁廟初科射策郎
如今斑白歿朝行
東風昨夜聞鶯鳴
夢遶江南烟水長

薊門城下過塔一
二行人通竈間
今朝送客又還入

那忍更投名利關

別駕祠前雪水深
弟兄沙上把離樽
三年不洗來時褐
要看淋漓別酒痕

早朝

扶搖九万透雲霄
鳳闕龍池步二遙
馳背負珠金絡索
象身備駕玉逍遙
衣冠俯伏傳呼岳
干羽低回看舞韶
湖海布衣瞻盛事
他時田里夢天朝

杜清珙

与趙子昂集賢爲壽

東觀道蒙蓬萊山
神人來往乎其間
銀鈎勢壓蛟龍榜
玉佩聲聞虎豹閑
秋露滿天濡綠髮
長光出海曜朱顏
金函更注長生錄
林下種菊已斑二

送趙編修

往年初記抵京師正類械雲入洛時未識鰲頭分赤管
先傳馬首控青絲瓊林舊醉家二酒金利新題処二詩
此日揚州歸去路錦衣光彩照城池

寄題周待制悠然閣

大江之東彭蠡南周家高閣占雲叅秋風懷沈帶青幃
夜雨蛟龍起碧潭繞屋千葉生杞梓通蒼百尺長棟棟
何時共此登臨樂指點平川得縱談

真州賈生索賦孩兒茶

吾聞孩兒茶始來自殊方古人譯其名和以龍麝香賈
生得妙訣品製非尋常清長持遣我今我試与嘗味腴
甘且美頓洗葵藿腸惜无瑤瓊報裁詩謾誇張燦爛黃
金芽錯落明月章波浪盤蛟螭雲霞迴鳳凰好將龍鳳

餅裹以玉雪裝特之獻

天子補益未可量能令齒頰生玉液却回麴蘖升明光

諸公以懷李白詩分韻送李茂遠後以酒字

索賦遂綴五言一首

樟江水達二民俗多雜揉李君專檄來號令肅巡擷遂
令万家市安集日豐阜春風有歌姬夜月无吠狗築堤
捍水災皆自將軍手至今此邦人稱誦常在口我來自
京師始得一聚首經過日以數言論竟開剖有如濟世
方乃尔困升斗孰云勞積多反使歲月久方今

天子聖賢知在左右逢曹母推擇往二雜瓊玖此行看
薦進直入紆組經莫負平生心要使斯民壽豈敢為贈
言裁詩有孟酒

送李伯楮歸山中

已聞盤谷最深幽，便欲從君遂此遊。
春氣和柔朝採藥，秋風清徹夜乘舟。
若花甫二誰留客，紅草纔二獨倚樓。
楊柳新條不堪折，只須買酒喚離愁。

和楊仲弘

老來自愛黃叔度，少日空期魯仲連。
高卧無田二頃，曳裾誰有客三千。
滄江渺二浮鷗鷺，白日翻二換歲年。
只憶江東楊少尹，劇談終夜不須眠。

楊仲弘

送虞伯生赴召

幾年簪笏侍明光，共取才華補衛郎。
祀事必稽周典禮，頌聲多假漢文章。
雲垂迥野鳴鶴遠，月滿高城下漏長。
縱獵合祛誇盛美，願言作賦繼班揚。

送朱澤民之京師

懷山挾海奠京師，氣勢紆餘及北陲。
鴈度塞雲秋色遠，鶴鳴宮樹曉光遲。
四方英俊皆來萃，一代經綸屬有為。
君有長林希屈賈，好將詞賦重當時。

送彭萬里

平居鄉鄙係瞻听，遠涉京畿任寵靈。
席底波濤秋水綠，二枕前星斗夜焚。
二肯如龍劍重藏匣，誰識牛刀始發矧。
將相與人殊勢分，祗應双眼為君青。

擬辭京師

裘衣托載道傍車，人事匆二歲欲徂。
風雨五更雞亂叫，關河千里鴈相呼。
蕪菁散漫根猶美，桑柘蕭條葉半枯。
却上高丘重回首，五雲繚繞帝王都。

次韻陳子仁黃河

禹功疏鑿適憂勤，宇內山川自此分。
元氣渾淪通地脉

孤光迢遞貫天文，母金伏土秋當孕。陰火潛淵夜欲焚，
万里窮源何日遂。片帆西上破層雲。

早朝

掖垣迢遞到城回，魏闕差我此日開。赤芾會延宵仗引，
朱輪爭道曉鐘催。三泉忽報藏金甲，万歲猶聞獻玉盃。
樂奏象簡從此畢，小臣思見鳳凰來。

錢塘懷古四首

斜界鈎陳通大道，中分魏闕對層雲。生毀上金炉暗，
露下庭前玉井寒。江漢飛龍俄杳二，滄溟泛鶴竟漫二。
中天會合寧非數，坐見蒼生奠枕安。
山回禁禦入雲長，無復陳兵衛兩箱。千古金鍾埋野草，
万年珠樹落秋霜。龍文不徙陽人聚，烏篆終歸輶道傍。
九市塵埃來袞袞，一江風浪去蒼茫。

西湖清濁自天開，鴻鴈鳧鷖日往來。黃道星環大乙，
紫雲宮殿擁蓬萊。能文競奏王褒頌，獻壽深頌阿母盃。
九域輿圖今混一，百年耆舊自興哀。

化人宮殿被曾阿，棟宇高低日擁波。翠石文章題日月，
宝珠光燄燭山河。空乘說法黃龍听，貝葉猶經白馬馱。
誰謂一无超衆有，祇今塵土重來過。

宗陽宮中秋對月

老君壇上凉如水，坐看冰輪轉二更。大地山河微有影，
九天風露寂无声。蛟龍並出扶金榜，鸞鳳双飛載玉笙。
未信弱流三万里，此身今夕到蓬瀛。

九月

御氣排空宝扇開，金衣照日近臣來。絲綉已進千秋錄，
黼座还稱万壽杯。王子吹簫双鳳舞，羲娥攬轡六龍回。

侍臣此日沾恩賜散作祥風遍九垓

東湖即事四首為王侯本齋賦

朝來千騎出城闌為向東湖踏早春素練抹林雲氣薄
明珠穿草露華新山花獻笑開簷舞野馬忘機戲水濱
記取當年賢太守及時為樂與斯民

夏月湖中爽氣多南風疊疊三卷長沙漁翁舟楫衝蘋藻
游女衣裳擘菱荷膽切銀絲管異味脍傳金縷唱新歌
君侯用意仍深遠即此光輝豈滅磨

暫停塵蓋擁輕舟此日湖山屬莫秋采采黃花登几案
離二紅樹散汀洲傾壺浮蟻杯顛竭下著鮮鱗網乍收
莫向錢塘誇往事白蘇未許檀風流

雲氣低藏十萬家東湖飛雪又交加玉禾舊布仙山種
瑤樹新開帝所花但听兩歧歌瑞麥何勞八月泛靈槎

侯門自有相仍客賸賦篇車後世誇

九日別友人

客中佳節罷登高獨立淒涼感二毛紫陌泥塗秋汨二
黑山風雨夜嘈二幽人後有觀魚樂壯士慚无汗馬勞
得失古今俱一律惟應痛飲讀離騷

次田師孟西曹即事韻

隱吏重來右掖初清明時節亂花舒霧迷黃閣霏二重
兩散彤庭點二疎李耳舊癡周典禮蕭何元得漢圖書
經綸事業煩公等要使皇文日象如

題節善之表伯長諸大史

詔編國史有程期正是諸郎傑直時虎士守明宮杏二
雞人傳箭漏遲二窓間夜雨銷銀燭城上春雲壓彩旗
才人各稱天下選書成當繼古人為

贈賈國英郎中

挺生雄傑氣昂二服事朝家被龍光鸚鵡盃中春正好
厚鳳池上日偏長新裁樂府傳宮體舊著朝衣帶
御香忠孝兩全人所羨只今慈母在高堂

遣興二首

庭樹號蟬日已涼
寒雲橫鴈夜何長
挾書方里干明主
仗劍三年別故鄉
西北諸山連朔漠
東南數水隔荆揚
淹留不共慙蘇子
莫遣貂裘壓雪霜
往歲晴盃意氣暫願從童子
誦詩書已荒
陶令松三逕
猶守揚雄宅
一區春樹花殘收夏果
海門潮落買江魚
如今也足成吾趣
何事侯門欲曳裾

紀夢

海上垂綸已有年
閑居无事夢朝天
蒼龍觀闕東風裏

黃道星辰北斗邊
盛衰只今逢五百
前程何許隔三千
揚雄曾奏甘泉賦
雁有聲名達帝前

送殷國華之饒州教授

送君行李欲何如
楚國蕭條戰伐餘
西塞入烟連草莽
南江波浪入空虛
遺民罕作先王服
故府徒存博士書
往事悠悠多泯滅
好從黎老問終初

望海

海門東望路漫漫
二風颯兀時縱惡
端白霧漲天陰氣
盛滄浪涵日曉光
豈无方士求靈藥
亦有幽人把釣竿
與俗毋沉何足道
願乘泮舶肆遐觀

題息齋竹石

行前怪石起參差
蒼苔叢深使客疑
如過瀟湘江上路
鴈鳴聲斷日斜西

寄題羅氏山莊

黃石山原風物出賤子往年嘗一遊舊行屐拓已成徑
新川禾麻應滿畝馮衍元忘白首嘆謝安當為蒼生愛
餘枕溪上明日發愁殺揚花吹客舟

題先天觀閣

浩二大古石雕鏤矜差我瓊林化飛鸞空構通輝羅綺
首視三光丹青相盪摩上隣列仙吾西移瑤池柯玉莖
亦受分鞭撻迴盤渦魏二双華表飛鳥不敢過玄鶴時
一來潛鱗爭无波心迹會虛湛神光隱寫龍猶波巢居
子疑睇佩女羅天風入紫京白靈冥誰何朗言渾沌後
龍馬方負河視之杳不見嘉名表山阿冥思有至理熟
視猶摩挲

○李子竹所

題蘇李泣別圖

我去君留可奈何明朝烟雨隔關河當年胡婦分携處
想見中郎淚更多

過采石

独卧空山五百年喚醒除是若坡仙沉香亭北花成土
采石江頭月在天遺跡不妨置校槍多情猶自押婢娟
余生若在開元日也向長安學醉眠

○何吾山

贈琴舟趙海月五首

瓏二花雨容弄香理及哀絃曲轉長海上歸來望鄉土
風回依約夢霓裳暮年鉄杖身差健何處銅盤月共將
幸自金丹堪點化不須秋樹說荒涼
倦透何處不逢春猶記臨風度碧雲家裏看花同是夢

爰中有道未為負黑貂裘在閑隨意黃鸝歌成暮可人
聞有琴材在樵巽勞君妙斲一揮斤

超拙万里一枯槎脫略塵凡三朵花自與秋風同客夢
曾隨明月落誰家江湖量大容浮瓠雨露著春深奈種瓜

却得先生有新曲如何能解理黃琴

楊柳風烟蜃氣昏枯瘠花月碧蕭春水雲別後行千里
澹泊相遭得殘人見說周旋惟我二定知僵走隨塵二

初心未證圓通悟猶恐隨身認作真

。劉時中

古採蓮曲

長安女兒淑且儂日二採蓮溪水中笑插荷花照溪水
韶容欲與花爭紅溪中荷花深幾許溪上時二聞笑語
紅酣綠縛不見人應在荷花更深處濕時夜涼溪水清

扣舷踏歌盪槳行荷葉蓋頭花盪鬢溪上月明朝已平

望夫磯

望夫山頭日欲頽望夫山下江声哀山頭日二風雨惡
江上不見行人回空山亭二幾朝莫猶記行人去時路
知君渡河長不歸恨不當年逐君去此身化石千仞磯
石猶可懸心不移長江水涸黃埃飛行人應有歸來時

對月

涼宵在前堪佳月隨我側此月如此心曠朗一片白開
樽起相娛佳月即佳客月如感知己為我好顏色此時
還独醒奈此明月夕

。吳敬庭

古意四首

我志在林壑而與世沉浮是非復非是此語直諍悠所

願適其適富貴何足求有酒同醉醒商歌動清秋得意
已志辨白雲散岩幽

斜陽在遠樹微風動高荷蕭蕭二湖亭上今夕涼已多遇
此素心人清言洗煩病樽酒相與歡竟坐酣且歌揮手
謝塵世不樂復如何

夏日苦炎熱但願一夕涼及此秋氣深蟋蟀鳴近床物
情亦知時催製公子裳戶牖當綢繆歲晏饒風霜感此
發李傲然然惜流光

陰陽有代謝寒暑相推後人生百年內行樂當及時昨
日猶朱顏今日生白髮所以遺世事飲酒不復辭寄傲
南窓下千載真吾師

新春喜晴

歲序更五日人皆悅春晴官曹喜休暇瘦馬成郊行水

消明水綠霧散山光明寒梅送餘香幽禽弄秋聲笈物
俱得時悠然起深情爰余佐茲邑慙負吏隱名撫字心
轉勞催科政何成願言此曹幸擊壤歌太平

偶成

微官羈此身遠投數千里觸暑涉長江晨夕不遑止殊
方寒氣早秋意亦如此歲月倏如流感嘆成坐起爾絲
將奈何終當就料理

送吳濟川

脫穎貴毛遂投筆知班生子携束書去而有千里程曉
袂江風寒夜枕霜月明觀光丈夫事惜別兒女情會當
拾青紫壯志耐平生

夏日述懷

屏跡遠世息交數孤陋蕭然一室間圖史分左右瓶

花眩餘春如烟霽清晝坐觀羽虫化卧聞穴蟻開青山
自偃寔相對如有舊我家陵峯下溪水清可漱誤身投
塵羈二年此紆綬素餐亦知愧民瘼未能究白雲海向
之念之令人瘦陶令歸去來深漸着鞭後

○李長源

題峽州

黃河城下水澄二送別秋風似洞庭李白形骸須放蕩
并州豪傑為凋零十年道路双蓬費方古軋坤一草亭
八月嶠陵霜樹老傷心休折柳條青

上清宮

蒼梧雲氣赤城霞錦谷鈞天帝子家仙掌高承九霄露
霓旗遙駐五雲車昆明火劫驚人世瀛海風濤撼客槎
醉裏忽逢王子晉玉簫吹上碧桃花

○楊鵬翼

正旦有感

干戈短景去匆匆回首南朝一夢中世事尽隨天道北
春正依舊斗杓東四时玉烛堪調燮万国車書想混同
寂寞荒山老松樹看渠梅柳競春風

華清宮

四海笙歌属一家驪山宮殿倚烟霞
野鹿偷銜第一花大抵失人迂致乱未知亡国不由奢
自徙西蜀蒙塵後我使殘民望翠華

穎亭

懸厓高築此亭孤落日登臨酒十壺雲破九山開疊嶂
天低三楚入平蕪斫碑黃絹空塵迹遠水白鷗如登圖
對此風煙已蕭灑扁舟何必到西湖

送真善卿歸秦中

少年錦帶佩吳鉤，曾伴秦陵俠士遊。
沙苑草青春試馬，岳連雲淨晚登樓。
十年為客少青眼，一事不成空白頭。
此去何時重相見，一樽聊与故人留。

報軒

日轉簷花樹影偏，謝家庭院簇神仙。
絲繩斜壁鐵三玉，叠板輕承步二蓮。
弄玉未升雲漢去，綠珠先墜綺樓前。
不知小徑殘紅裏，明月何人得翠鈿。

陳白堂

春晝睡起

柳影年華度鶯聲，午夢回偶然。
床置易政不席凝埃隱，几野花落閉門。
山雨來無人見，愁緒歡伯一樽開。
春風

着柳成新綠，吹桃作故紅。
衰顏与華髮，不敢怨春風。

先主

扶義風雲急，投雜歲月長。
猶懷置嗣子，豈要負刘璋。
討賊五誰遂，違天有併亡。
春秋復讎大，万古炬炎光。

武侯

千載生諸葛，餘才了十丕。
百王巴蜀佐，三代渭濱師。
礼樂无只日，乾坤有閏時。
豈留文字在，不愧說兼伊。

曹操

鹿去卯金刀，當塗未敢高。
爭象猶在奔食馬，已同槽身。
後三分閨生前，自許勞就如題墓。
上盜豹亦焉逃。

司馬懿

本祖賊為媒，聊同漢報仇。
機深螳後雀，禍隱馬中牛。
夷甫母專罪，江生足遠猷。
誰開千古恨，落日淡神州。

洪客

信發卷仍還詩生暮靄間塘蒲身共晚野鶴意俱閑送
客度流水見雲歸別山一聲長笑遠吾亦掩柴關

登岳陽樓

扁舟小繫登欄西万里清光一柱頤湖面欲包天外去
嶠鬢疑割海中來高空自瀉軒皇樂元氣長涵老杜詩
慶曆殘碑重回首此生何限退愛時力知反見左傳

皇元風雅卷之三

前集

皇元風雅卷之四

前集

劉頌溪

探梅四絕

江天欲雪未雪時絕江探梅勢倒騎空中着我方成益
亂後逢花且賦詩

釣天遠二月斜二歸路迢迢未到家一色白雲天似雪
和衣和雪宿梅花

後五百年无放翁往歌醉舞与誰同漁人入得桃花洞
猶有梅花路未通

冷落何心識老逋芳名從此落西湖風霜未改幽堅操
第立花前諱玉奴

清明日偶成

海日高二天路斜斷橋无復聽嘔唾墓中酩酊已千載
陌上清明有幾家已老愈踈唯酒盞更晴相覓是梅花
年三春怨深如昨莫把无涯恨有涯

劉立雪

梅

休說逋仙兩句工水滌滌筆別形容清標騷客風前立
素面仙姝月下逢山店霜寒香撲馬溪橋水淺影如龍
一寒及是寒凝結金鼎无鹽味更濃

破荒五雪繁煙村倚竹无言独斷魂三弄直須琴對越
一寒安用酒温存家風巢許堪同社心事夷齊可共論
應出續紛幾紅紫一枝開处自乾坤

除香除影賦梅花方許詩中擅作家怕俗似嫌羔作酒
高人頗稱雪煎茶參橫屋角霜初下人倚闌干月欲斜

夜冷玉肌愁入骨金壺移入伴窓紗

天花夜半落溪傍二有梅然為取將擎爪仰空呈潔白
掀髯倒地覓昏黃脩鱗月下霜同色敗甲風前雪有香
欲起補之圖影看生愁飛入水中藏

月巖

世事從來滿則虧十分何似八分時青山作計常千古
只露岩前月半規

書灯

一點蘭膏數寸心小窓伴我夜沉沉二爇分青燭藜煙細
喜動紅光花意深洞見苦心歸典策照殘由夢入衾衾
他時富貴不相棄移上長檠伴醉吟

玉樓夜費燭熒二紙得眼前歌舜明照破三千年外事
書生元不用長檠

題靜軒

徑深寂二鎖吾祠此地不生車馬塵夢斷瑤臺惟有竹
棋声花院似无人蛛因門閉牢穿網鵲悟枝乾自採薪
樵道乾坤大如許不知天地又新春

寄朱約山

歲晚江空煙水寒風林葉落楚天寬若無鴈足書難寄
作盡鴛声吟未安晋帖臨成思入石離騷讀罷擬栽蘭
老來絕被梅花惱後會君應笑我孱

登黃鶴樓

西風吹我登黃鶴白雲平在闌干角題詩不見舊時人
惟見青山俯城郭萋二芳草鷓鴣洲江水衣二來無休
歲月俯仰成春秋古人今人無限愁

題醉月亭

采石江頭李白狂不柰煩宮錦空赤壁磯下蘇東坡
一葉泛二凌風波當時有月并有酒和酒和月吞入口
酒腸得月冷於冰化作瑰碎喧宇宙兩首賦 百篇詩
千秋萬古稱絕奇兩翁不作歸來鶴玉宇瓊樓寔漠二
若得長江變潑酷少住人間亦差樂望負晦缺秋復春
古來明月今來人我時奉酒問明月二亦團二應言不得
鉄如意玉唾壺我歌君和声鳴二爛醉起舞喚人扶問
影莫是李與蘇月中仙子知得無

○ 鑿美食五

別蕭高鳳

惜與可人別又貪歸路長人生有離別吾事屬閑忙沽
酒澆芳草垂鞭看夕陽眼前听鶴語世路劇茫茫二

送錢才立遊荆二首

峴山西上楚天頭書劍區三事遠遊歲月如流方作客
江山信美莫登樓百年耆舊誰家傳一代衣冠又古丘
亂後題詩二即史未應輕付水東流
不絆跋涉恨崎嶇如此飄二一丈夫新雨鳴秋驚草樹
行人隨鴈落江湖歲年寧向長途老天地何堪一室拘
幾世中原今復今更陪九万作鵬圖

揭曼碩

送馬雍古祖常御史使江西

我皇屬愛顧君子得安居孟春風且宴遺子以脩途四
牡何翩翩二迴首睇神都我懷正紆纒殺函忽已踰積雪
被長紈萎者何時蘇端彼蓮花峰上出浮雲猶白日曠
以懸下視若玄壚煙塵起西北原野無定株行者中顧
懷石者念其庐黃河洶東流西自崑崙渠四海豈不曠

切若肌與膚親賢遠遜人古以致康娛君子試多林乃
用在馳驅秦隴阻閑塞歲月浩已徂鞠躬及明義足為
世所模

宿宝應

此縣經過數中年慨感憎繫舟喧夕浪聞笛暗寒灯時
俗隨同異文章任愛憎平生江海意一二賴良朋

入秦淮和曾編修

秦淮江上送飛鳴秦淮水流西復東六朝人物已寂寞
万古雲山空疊重明日還沽采石酒昨朝猶聽廣陵鍾
人生不似寒潮水去二來二有定蹤

治安慶時再北遊

夜泊淮西郡寔生客子衣酒家臨岸閑野火隔江飛雲
盡月初出潮平風漸微昔年城下路此際正南歸

待潮

扁舟夜闌寒沙際款枕待潮紅日高无数征帆背人去
海明何処水滔二

夏五月武昌舟中獨白

兩鬢背立鳴双槽短篷開合蒼煙雨青山如龍入雲去
白髮何人並沙語船頭放歌船尾和蓬上雨鳴蓬下坐
推蓬不省是何鄉但見双飛白鷗過

宿梁安峽夢故有感時还盱江

梁安峽裏杜鵑啼絕壁蒼二北斗低垂氣倒連山影合
石稜斜闔浪声齊南風盡日迎歸客落月空江夢故妻
一室数人分十郡百年幾處候晨雞

題花鳥圖

吳中女兒顏色好洗面看花二為情調朱弄粉不自施

寫作窓間雪衣鳥綠窓沉二春書邊半生心事花鳥知
花殘鳥去人不歸細雨梅酸愁盡眉

題饒家橋上有墨龍

饒家橋下秋水深饒家橋頭黃竹林誰其濟之饒氏温
績麻作橋二幾尋青山叢二似吾髮白石鑿二如吾心
歸去秋衾續殘夢風雨滿橋龍夜吟

海棠

嫣然无不在凝脂絕世東風綵筆奇却問大真曾睡否
還應長睡馬嵬時

送趙履道虞叔常還江右

趙子我同里虞郎我同年手折武昌柳送上西江船買
魚沽酒燒荻鞭夜下西塞寒山前西塞山碧如苔君今
去幾時來東風花開春水漲待君黃鶴磯頭望君瘦公

樓上

贈溥直

蕩二白玉京超二
洛二十載結茅白
莫能識百念吹不
五龍角巾搖三花
桃暮食五色瓜長
調笑許史家日食
日邯鄲道迎人上
忽亦老寄謝區中
黃尊師
開軒南岳下世事
弄騎鶴侶來此看

夢武昌

黃鶴樓前鷺鷥洲
落日平鋪七澤秋
故人雖在多分散

大明啟

魏二道德拱義卑
風傳雞舌侍臣香
詞筓小臣何以裁
皇圖聖壽共天長

送唐曹

龍衣分香下絳霄
神降虛危北極遙
蕃釐更為

樓上

贈溥真子

蕩三白玉京超二溥真子十二求神仙服事丘祖李嵩
洛二十載結茅白雲裏食是賜谷費飲是玉池水鬼神
莫能識百念吹不起一朝忽騰化徑去不可渡飛駟服
五龍角巾搖三花朝發梁宋國暮宿河漢樓朝食千歲
桃暮食五色瓜長揖青牛君高歌度流沙不翹金張館
調笑許史家日食五侯籍安能飯胡麻春風長安陌落
日邯鄲道迎人上青天送入入秋草疎身八極喪天地
忽亦老寄謝區中人全真以為室

黃尊師高軒觀鵝因留宿

開軒南岳下世事未嘗聞落葉常疑雨方池半是雲
偶乘騎鶴侶來此看鵝群一夜潺湲裏秋光得細分

夢武昌

黃鶴樓前鸚鵡洲夢中渾似昔時遊蒼山斜入三湘路
落日平鋪七澤秋鼓角沉雄遙動地帆檣高下亂歸舟
故人雖在多分散獨向南池看白鷗

大明殿退朝和周待制

魏二道德拱義星濟二威儀陋漢光日射龍文宮女扇
風傳雞舌侍臣香中霄景氣降雙闕下界徽謠動八荒
詞筵小臣何以報
皇圖聖壽共天長

送唐尊師祀武昌

龍衣分香下絳霄羽衣承詔出清朝星臨翼軫南垂闕
神降虛危北極遙金殿厭雲開紫氣玉臺和月合笙簫
蕃釐更為

吾皇祝下國時豐雨露饒

送李尊節歸廬山

香炉峰色紫生煙一入京華路杳然雲確秋閑春藥水
雨擎春卧種芸田書憑海鶴未時寄劍自譚跋去後懸
忽報歸期驚倦客獨淹微祿負中年

寄題胡氏園趣亭

日與世情遠孝人聊治生畦蔬多品類樹果合生成野
老還偏數山禽近不驚詩書吾所好農圃也須明

小孤山曉發和蔡思敬韻

日落霞明錦浪翻厓傾石峭白雲間乾坤上下旌孤柱
吳蜀東南壯此関神物夜移風動地仙舟曉渡百漫山
回瞻絕頂登臨処空翠溟濛香霽間

長春宮

古樹繁紆入深宮結構牢鑿城通水繞累土築雲香同輦
路行巡鶴神香戴巨鰲應逢王母使持此獻蟠桃

祖生詩

浦城孝子身姓祖自憐性命如糞土生纔五歲遭亂離
有母更被官軍虜季十二十八春秋母縱得生何處求
天地茫茫明月恨江山漠漠白雲愁忽得母書驚母在
看書未盡淚先流書云流落河南縣河南踏遍無由見
唐州境上忽相逢白髮蕭蕭二霜滿面誰知喜極情轉愁
旁人更問初別時千生万死到今日始為母子東南歸
東南沿道関山路入門猶記庭前樹居人傳說盡相看
雞黍提携竟朝暮祖生子母真可怜少壯離別老大還
同時鄉井被兵者幾人骨肉能生全願生母子長壽者
四海升平永相保

漁夫

夫前撒網如飛輪婦後搖鰲青衣裙全家托命煙波髮
扁舟為屋鷗為隣生男已解安貧賤生女已得供炊爨
天生網罟作田園不教衣食看人面男大還娶敷家女
女大還作敷家婦朝二骨肉在眼前年二生計大江邊
更願宮中裁征賦有錢沽酒供醉眠雖無餘羨無不足
何用世上千鍾祿

高郵城

高郵城二何長城上種麥城下乘昔日鉄不如今為耕
種場但願千萬年及四海外為封疆乘陰二麥茫二終
古不用城與隄

長風沙夜泊

長風沙風沙不斷行人嗟行人嗟奈君何南風正高北

風起大船初灣小船喜移船更傍大船頭不獨風沙夜
可憂更祝行人好心事長江何如長安流茅舍參差數
株柳時平尚置官軍守青裙老姬誇鮮魚白髮殘兵賣
私酒魚賤可買酒可沽他人心事知何如

○羅澗谷

幻輿折齒歌

秋衫未成錦機語棠梨半花鳳一羽象林雲綜小龍梭
細穴銀光吐水縷西隣郎君東海歸芙蓉半白杏雨肥
十二闌幼說幽怨勸織南浦鴛鴦飛匪蘭意無消息
春醒彫霞漾玉色水龍呵出風雨聲奔騰觸裂双白石
白石国城二十六女子軍來兩城覆鴛歌後嘯強激昂
百戶風來如箭鏃章臺公子真豪縱復以微言相感動
郎君切莫更癡心忍作甘心可人痛

○孫伯善

去妾詞

妾昔重顏鮮抱凋十五年阿母云亡主中饋安排翁續
鴛膠絃新婦主婦情未密陡然兩意生荆棘推將怨隙
在妾身教妾彷徨留不得翁今愛妾空有心妾亦知君
愛妾深自古亡家為顏色妾身不當千黃金回頭向翁
話遺子留自乳浮雲有散時人生豈長聚妾去婦肯留
妾在婦應去但願主翁琴瑟調妾身不恨无歸處

○黃士南御

梅子禁用調羹止留等字

水邊籬落舊精神煙雨園林急薦新對酒摘嘗金彈客
繞林簪戲玉釵人一根清苦千九季四月紅黃隔歲春
待得餘花都結子東風流轉便生仁

金陵

采菱風急棹歌聲白鷺洲前一帶巾綠水不收中洛淚
青山空掩六朝人城頭寂寞依龍阜江左興亡寄虎臣
孫楚酒樓何處在月明猶寫謫江神

○湯子文

白海青

皂鵬赤鷲世紛二羽翮何如白錦紋東海飛來一片雪
西風透入万重雲老拳独擊頑鵝腦後目寧看狡兔群
玉食所需誰可得夜來

丹詔賜元勳

綉毬花

誰擲流蘇滿小園无心花萼密相聯唐宮玉蝶團風軟
后土瓊花簇月園妖態欲來烟上弄羅香直在帳中懸

試看有物渾成處如在東風太素天

○劉雲山

題雪後溪橋

老翁着脚欲度小橋後有奚奴攜手似言
橋險發度之狀

昔錦奚奴指顧間雪橋如險意如閑不知此興政不淺
將謂先生跬步艱

○申屠致遠

無絃琴

靜中有物即縈心物象相忘趣轉深為報柴乘陶處士
無絃爭似更無琴

○趙半閒

秋夜曲

寒禽認故枝澆枝猶依二涼螢亦知秋飛來傍牀帷幽
閨刀尺冷遊子何當歸脩途苦不易庶無寒與飢及此
清夜長為君製裳衣

憶友人李雲南

送客出荆扉忽見青三草故人別經時恍隔千里道千
里故不遙咫尺夢難到孤鳥安朽株行雲在晴昊敢嘆
會无期坐念春風老

示兒

閉門避秋風開門落葉滿樺子晨發篋却嫌故衣短衣
短何足嫌掩脛尚可挽尔父故多愛尔毋復不懶力作
常苦飢力織未及煖窮厄世固多榮華亦滿眼但將尔
日長勉旃事編簡

去婦詞

里有孀婦子不檢而無室既疾病乃亟為
娶且命之曰為汝娶為宗祀計也未幾死
而子竟違母言尋出其婦二以衰麻在身
義不得去被迫逐不可留因為詩以寫懷
落葉不返柯去婦無歸年歛袂出故幃
獨影心懷然君心然禽飛万里雅拘牽
妾如鬢邊花未衰先棄稍憶昔初嫁君
姑病在床前歲月能幾何衰麻奉姑延
妾今辭門去撫棺淚如泉九原會有知
當為去婦憐

歲晚歐陽徑存相遇

老眼厭紛埃柴門晚暫開淒風行客苦
今雨故人來詩外無窮意灯前欲及樽
相逢還又別珍重歲寒梅

構欄曲

街頭群兒晝聚嬉吹簫搥鼓懸錦旗粉
面少年金縷衣

青鬟擁出双蛾眉駭翁前趨置母請醜
姬妬嗔狂客笑虬髯奮戟武略雄蜂腰束
翠歌唇小眼前勾作名利場東馳西驚何
蒼惶栖二猶是蓬蒿客須臾喚作穢垣郎
新歡未成愁已作危塗墮馬千尋散蘭山
万里客心空妻子衰灯双淚落紛然四座
莫浪悲是醒是夢俱堪疑紅鉛洗尽歌管
歇認渠元是街頭兒

正言

蘇張舌如戟危人亦危身期二周御史千
載稱直臣清談每敗事諧謔良損神田翁有
斗酒招手聚北隣所言唯乘麻語二不失真

戲題

十日霜勝雪開門風更緊幽齋坐寥聞
寒炉火如燐驅兎旋拾薪匱富良可憫支
頤背弓艱吹燼唇噴蠶温烟

瀟雲霧生枝叫蚯蚓非鷲自常翳不感涕自隕居貧正
如此念之時一西

宿村庄

涼吹搖青灯稚子供濁醪雲影忽在壁短髮何爾騷且
持竹根枕卧聽蒼松號紙衾穩蒙首昔癢不得搔須臾
作奇夢小艇飛洪濤驚覓白滿榻晴月惹前高

題十六羅漢看手卷圖

本不立文字聚看之底事一隻眼猶多何用三十二

羅漢滄洲

郊行

桂花无主亦清秋養麥為誰先白頭螢不照身常隱見
鷗无求世自沉浮

張周卿

鏡中灯

孤影徘徊入照燈西風不動影沉二一池銀水鑿真火
半夜金星犯太陰雞翅舞時紅燭歇蛾頭撲處碧光深
縱渠百煉千燒後依舊剛明一片心

周石原

綠陰

万紫千紅夢已休眼中驚見翠光浮數声啼鳥无尋处
幾度斜陽不入樓潤透琴書渾欲雨凉生衣袂已先秋
此時蒲柳还多感莫遣西風一夜愁

王性存

書懷

九秋夜气肅明時見休徵泰階列六曜湛三平且平叔
臣再拜祝乾坤永清寧不夸兒女態抱拙祠双星

有地莫種花有堤莫種柳花柳豈不佳而恐易衰朽吾
情匪好異只種竹与桑竹存勁直操葵存本根思

趙心遠

秋晚

一曲菱歌斷西風吹鬢髮秋隨荷葉老人對菊花閉鳥
沒疎烟外初明落照間南山有秋色相對自怡顏

趙季文

舟中夜作

自同南鴈去回首意茫然酒醒家千里詩成月滿船
河渾非為兩岸轉欲移天夜靜晶河漢涼風自斗連

連伯正

釣絲風

短髮冷颼二倚闌初下釣開來片水外輕弄一痕秋淺

拂蘋花亂低分柳影浮煙波清夢遠吹不到王侯

胡尊生

送君進周公

憶君初未湖水滿金鱗才入春波暖江南早晚雪花飛
蒲帆下水送君歸霜風漸瀝湖光晚白魚粳米中流飯
回頭咫尺庐山雲一寸心長帆力短臨分不竟過重關
金螺移在双翠眉唾二灵鳥啼樹枝家人夜二卜蛛絲
雪醅新釀都昌酒欲來木來待君久人言遠勝前婚
推子牽衣婦携手窓前紅燭宵彈碁新歡滿眼寧相思
江南今歲梅開遲贈君无花折空枝明年花開來不來

瓊花上天

无双亭前浮冷月羌城暗鎖腥煙黑仙魂夜吟天欲泣
巫陽下招飛玉勒神風鬼雨鞭車急一株玉雪二中立

金瓶歲二朝袞九異香蕩漾天水濃蓬萊我二高北斗
玉佩深沈弄舞柳瑤京三月銀雲飛瓊仙瓊仙招不歸
鈞天夜奏紫皇醉二十四橋空浸水

壽梅辭世

武陵老月愁黃昏玉官水山无返魂空羌吹風鉄心裂
春顏怕見煙綃真雪身匝地大如屋縞衣夜醉香雲宿
孤山春去羅浮平肯立腥埃吐瓊王銀河倒瀉春恩澤
幾度漢天崢老骨便令更似八千椿凝頑万古終成塵
芳蟾眞許駕蟾去煙昏雲霾夜无曙為憑青鳥別君王
後百千年滯閱世

野鷹采

野鷹采霜風高山空鳥死狐兔凶我有鮮肉肥尔膏軟
皮為韃絲為條山中忍飢良独勞野鷹采高三臺歛翅

揆立何為哉當途猛虎鬪我室赤精細骨皆凡才野鷹
來汚之水昔年種柳今如此巢危雞弱將奈何野鷹歸
來吾望尔

陌上花

陌上花爐春暉臨安女現吳王妃吳王沉醉香風圍金
泥為寫緩二歸陌頭夜雨花成泥年二長花開時吳王
宮妃招不來

陌上花嬌欲語吳王妃臨安女封書寄与緩二歸陌頭
花好能幾時夕塘之門幾易主嬌紅猶似吳妃弄吳妃
一去招不來花開花落无窮期

金莖承露

蓬萊仙人騎黃鶴未遺刘郎不死藥銀漏无声秋夜深
時見星河頭上落精金糾錯蛟龙蟠未央闕南觚稜空

莫教仰見杯中物直是他年双淚痕桂房椒壁蕙蘭老
留得新愁向雲表猶逐官軍出漢關茂陵蕭二濕青草

因官伐松

大夫去作棟梁材无復清陰護綠苔只恐江頭明月夜
誤他千里鶴歸來

宋本

送歐陽炳四首

暖翠空濛故国山夢中慈母美連環文明門外春才好
百尺吳船漾綠灣

寒壘猶盈李適之十年春夢疾如飛蒼頭零落郎君小
祖帳无知上客歸

曾侍

先皇法從臣故教給札紀華勲名山久已藏名姓莫作

區二世上文

去年

清問下青雲曾把文章付与君眼見

皇恩絆漁隱江湖煩報白鷗群

孫用復

中秋前一夜賞月以明夜陰晴未可知分韻
得未字口占

年二今夜月今年今夜醉月色既已佳論負還竟未

黃河清

題徐孺子亭

宇宙貞魂喚得醒一尊和月醉江声看空東海有此士
高出南州只一亭檜色半天猶傲世湖光落日欲吞城
蕭然四壁殘灯火閱尽東風万劫青

胡古愚

寄題杜隱君思孝齋

先生高尚製荷衣結屋葺書入武夷泉石洗心無別事
皇王經世有遺思據梧朗詠秋清夜隱几冥觀晝永時
立志獨脩天爵貴故應荷簣接輿知

皇元風雅卷之四

前集

皇元風雅卷之五

潛社
州卷

前集

高若鳳

題朱進士

御賜詩

憶昔霓裳清夢遊廣寒宮殿鬱嶺吼神龍之矣乘雲去
猶有驪珠落世間

遊白鹿洞書院

碧瓦參差儼杏壇白雲深鎖洞門閑不宗朱氏元非李
看到匡廬方是山十里松風潮洶一溪泉雨珮珊珊
便當卜築書臺近五老峯前任往還

送謝有源閣中醫官

出山只為有源長散作人間六月涼從此不憂丹荔渴

室塘一派冷於霜
斑資高下不須論
一步青雲亦上恩
小試參差醫國手
有人稱是野航孫

贈相士張月梅

清光萬里飛銀闕
晏天寒桂香歇
含章殿是廣寒宮
月似梅花梅似月
世間有梅有開落
天上有月有圓缺
乾坤清氣鍾於人
千古不摩方寸鉄
月耶梅耶杳莫辨
淨色寒香兩奇絕
西山有雨南浦雲
反覆紛二異涼熱
槎仙老眼閱人多
獨二來尋灞橋雪
月梅已寒雪更寒
窮年三友長相看
論詩論相神自完
出門一笑天地寬

張叔賜

送滕玉霄

我恨江上水不能洗離愁
又恨江上水不能爲我留日

黯二雲悠二胡不推出黃金毬
照我一笑送沙鷗
歎豆萬古相賡酬
風流此老黑貂裘
飲乾海水蛟龍愛
人間奴鬢秋筆底
巫峽流傲魄
我何同一漚
識我不識吾何求
安得從此長嬉遊
昔日閭風今瀛洲
江水洗得離愁不爲我留住
江上頭三百尺酒樓
五百斛酒舟

許獻臣

次韻蒲平章致仕

君恩許老重增秩
相印封回不再闕
石以補天還袖手
雲能成雨便歸山
力將富貴推身外
倒卷乾坤入酒間
綠野堂前看絲竹
古今誰得似君閑

題宿月堂

人生自是人間客
月亦天邊寄此身
彼此虛空無着處
誰欲是主復誰賓

○趙蒙齋

題釣臺

君因卿相隱我爲利名來羞見先生面黃昏過釣臺

○倪中豈

贈張原性金華尉

天風吹鴈秋影空客子長出燕城闕青龍斯煙雜錫盃
腰螭割玉羅翠乾金花出匣双蚪蟠盪射婺女光闌干
春萱花煖荆樹合酒光入鬢顏渥丹風雲落筆神鬼泣
眼見老銖生詰盤朝柄崑崙圃夕飲砥柱湍但恨雲路
無停翰東海百尺青琅玕

○倪若水

過揚州

雉堞平來塹擁沙綠蕪深處見人家山河舊影藏秋月

閨室新声起暮茄王韞已爲庭下草疾梨不是眼中花
當年鳳舸經行處枯柳無枝寄宿鴉

○范德機

過西芹

路隱岩崖迥橋通室舍重鳥啼黃葉寺泉注白雲峰市
販餘柑柿畝耕間竹松行人報山郡失喜問萍蹤

延平江閣

山勢包重險津流合衆源誰知從事劔不類大夫塊光
彩潛猶見精忠死尚存幽靈如可問吾意豈忘言

奉同廉訪使君洎寮友遊愛同寺

閩粵古城東千岩半梵宮冒寒尋水石及日倚虛空鍾
鼓何須急靈鷲亦有終翻二北海寺碑版翠無窮

寄武夷杜徵君

洞居清隱士時接武夷君
旆影岩前見山香石上聞
不爲珪組累焉有市朝分
暫得同麋鹿終朝試與群

謝張伯雨題東坊葉次句

騷靈逝矣不堪呼
幾欲南遊信楚巫
城郭煙濤乘白帝
星河風露浥黃姑
幽人昔恨九閨豹
佳士今猶千里駒
久客嗇君相慰藉
可能無意謝飛鳧

送王中庸歸陰

法樂洞前曾一遊
君家聞處洞西頭
石潭正照猿猱月
山葉曾經虎豹秋
豈意吳城祠下路
共尋揚子岸頭舟
曾中富有天官季
莫爲周南久滯留

蓮房

憶得花神一笑
催六郎家住小江干
佳人愁等秋風近
稚子眠听浦雨寒
強爲折去開戶牖
誰將錦出擬金盤

少年太守思兄弟
戢二青頭莫謾看

桂子

盡輸金粟三千斛
換得瓊枝數點秋
定是月中嘉種失
却從世上異香浮
石岩夜見呼猿摘
葉曰晴敲伴兔收
十日天台誰得見
西風吹夢落山頭

送夏蘭同知會昌

承聞吉日上江船
佐命分符落鴈邊
野館溪頭三亞雪
山城留下七閩煙
庭春花氣迷銅墨
市瞑溪聲急管絃
何日周廬尋夜直
倍知報政九重天

海露亭

初秋白露降
爽氣逼虛憚
薄林方泥二洒
漠復霏二暗
襲玉堂
悄斜飄金掌
微鶴眠寒屢
螢火濕
猶飛垂垂
知月明
花艷怯朝暉
蘭飲良朝露
章零傷夕婦
爲霜當

風飛去日漫增秋
傳停吳宮女三月採
香散入舞裳衣千歲亦不減
但恐願相違君子保世澤
在久愈光輝

題廣居家藏東坡竹

古藤尺五霜烟交不見
長身見墨稍千載高風猶一日
莫妨憺耳住無茅

贈廣居查尊師遠遊

查君孝道恋名山
戶結東南紫翠間
更憶皇州春色好
却歸仙館曙光閑
千年城郭逐人去
八月星河奉使還
莫為崑崙無瓦處
早將詩賦動江關

奉寄翰林鄧侍講

畏承持節江之東
騎鯨并上蓬萊宮
蓬萊仙人歌白鶴
声落五湖烟雨中
世間爵祿不易致
何獨去就如飄風

朝廷禮樂頌制作
六經隱義資發蒙
論思廟堂集耆碩
啓口寧諒前諸公
閉門讀書古都市
四輩冠蓋方隆二
我生三長在窮谷
那有文字爭人雄
謬蒙引喻百僚上
負祿府署慚無功
一別十年还又五
昔者少壯今成翁
誰知復客七閩下
隔二千里來詩筒
羸軀頓醒瘴疠惡
賴以慰此心
仲二粵王城南浪
自白粵王城西花
正紅

經石門旗

搖落石門秋水清
殘僧樓宇映沙明
買船欲上盱江去
路轉峰南聞雁声

泰定二年秋蒙

恩供奉翰林未行
改闕幕自豐城便道取疾
繇撫過盱与那守
薩侯會約尋麻源不果
盡日到盱

暫遠雲霞觀却希山水音珠星聯社下璧月動江濤始
集宝氣亭復趣金精峯輟棹更垂釣推書時弄琴石門
生夕景麻源龍曉陰是邦遇賢守佳致契幽尋樽俎迫
清好絃歌彰古心郡中宜鳳集泓下或龍吟頗愧塵務
通還為旅宿侵一行混吏執千載負高標即往事冥究
于茲念方深姑山如有意遂許一登臨

順昌道中

冉二秋序高勞二客程促如何霜霰文不見原野蕭顛
崖絢夕紅古澗漾寒綠非惟藤葛敷亦復芳氣馥物生
固有常氣候殊過續以茲勸集身動往居瘴毒念彼閩
村人田稀口如粟耕種上青雲妻孥力涼燠吁嗟公私
弊群需待其孰安得廉恥吏俾之食常足上以承
恩光下以厚風俗丹心映皓首我何自拘束

玉臺

曉出玉臺道山川稍夷曠只愁灘石陞磊落更万狀市
樓倚崖岸山頂列石障是中更有人隱約葱情上我願
從之遊長風涉玄閣還歸保精路高視神目王空濛飛
鳥過慘淡回波放由來心力疲會意乃益壯

十月十八日至懷安縣是夕入福州

山城列障駐餘霞水与長空遠映沙芍藥省中人豈幸
荔枝林外客思家送徐市三神權渺二張鸞八月桂
蚤歲幸遊今白髮不應猶恋棗如瓜

望潮曲

潮來直上青崖住潮住却尋滄海去烏石山頭望故鄉
故鄉更在雲深處我生不如橋下水消息春秋任流止
又不如二水上船去二來二年復年負祿羈孤二千里

上念慈親下妻子二生未解別爺啼睡恣阿婆懷抱裏
烏鴉日二傍人飛喜鵲時三噪郡西更有平安書字到
金壺約伴玉人携

平蕙晚懷

落日微風生晚涼平蕙西上萬山蒼佳人獨不生同世
樂土那知是異方海岳雲霞千古意鄉關道路九回腸
丹青不寫歸田賦猶以虛名累霍光

寄李秘書洞

秘書出是蓬萊苑流落東吳又一春見月定還騎鶴侶
開秋宜讓翰黜人吾曹事業徒溫飽子等居諸異隱淪
海表何時携手載相矜同是老詞臣

送別周儀之推官赴錢塘并簡李四秘書

武帝龍飛第一春京華相送各沾巾詎知邂逅文身地

總是棲遲皓首人山驛蛟眠星滿洞水鄉鷹起月迷津
若逢李洞南天竺謂是前書感謝頻

懷京中親友

海上經年思殺人絕憐京国旧交親過江唯有傳柑使
寄得書回是暮雲

絕句

日淨芙蓉遠春明芳蕤長誰怜玉蝴蝶正似錦鴛鴦
東晉

東晉

習靜天常見居深路近通陰階垂葉露空院長春風

春日西郊

春風千里福州城綠水青山老送迎惟有垂楊偏待客
數株殘雨帶流鶯

佳人不諼海棠嬌喜見天晴挹露饒若使有詩寧費日

便今無酒亦終朝

江上登臺望眼迷西禪更在石岩西尋常楚嶠看花日
此如新苗綠已齊

南澗清晨不易得有無更似此時春朱桃皓李都隨世
紫蝶玄蜂故趁人

題先天觀圖

李仙之人与仙爲徒住在匡廬之奧湖江之區張公煉
丹作龍虎丹城御氣遊六虛後來出者絕代無何不李
仙住玄都玄都之壇角并孤上摩萬里之黃鶴下伏千
尺之飢飢陰森檜筠自太古斬種力與開闢俱扶乘朝
日掛絕壁坐見樓觀青模糊肇崖控石澗哀湍春秋雲
霞芝田腴我亦人間山澤癯偶陪夔龍賓唐虞有時一
醉黃公坊振風三日撼不蘇折花不得度弱水渾手始

識仙凡殊玉堂李士范与吳遺我茲山之畫圖尋窻數
戶久嘆息無因置我双樗蒲独行幽人不受呼掃葉青
澗听啼鳥日暮羅徑相縈紆相縈紆向何處明朝爲借
麻姑鵬我亦騎之上天去鄧文原真奎元明善同觀此
詩於玉堂爲之嘆賞故書

○孫存吾

饒廣伯生歸隱

天地毓精英文章耀德星虞廷春色滿翰苑月華明
隱琴書樂朝回軒冕輕凡才情俱羨魚龍備參苓

春日遊黃鶴樓

挿天棟宇接雲霞八面玲瓏望眼餘寒谷春回江夏柳
晴川日映漢陽花珠簾半捲琉璃滑官扇初開翡翠斜
日近天人聆笑語廣寒宮殿隱仙家

秋思

鴈落西風字二沉嫩涼偷入藕花心眼前多少關心事
付与寒蛩徹夜吟

○張息堂

題衡陽刊匠曹子謙字說手卷

陽水謙卦妙入神當時鑄刻知何人至今空玩逾琬琰
字体清勁無失真謙二千謙能辨此手揮鐵篆出文字
功成何止地中山鑿破乾坤六十四

○甘東溪

夜坐

林風自蕭二山雨時洒二丈夫七尺軀地爐使吾矮

早睡

宿來貪睡早推月出山前月色不相捨小窓还自妍

酒醒

酒醒桂花發狂歌對花前林家大罵我夜半驚人眠

書生

踉蹌趨講席讀誦闢高聲我亦曾如此而今白髮生

歸舟

片帆懸空秋滿腹涼月淡二天無波平生湖海元龍意
早入西風渙棹歌

天壤豈無蘇季子恨我不識韓荆州遙山蒼二暮雲碧
何許一笛芦花秋

下豫州

壯懷忍共白雲閑孤負僧房屋半間賣却牢愁三萬斛
載將明月入西山

託意

舊時灯火不知年
託意篇草未世傳
胸次只今無此事
听風听雨過殘年

新春

花紅柳綠也逢時
潤色青春有小詩
人世若無吾輩在
東風家落亦堪悲

看梅

独坐勿二不自適
出門偶見梅花開
自從開闢到今日
此是東風第幾回

暫憩

平生湖海遊南北
東西路幾度夢殘
時雲深不知處

過南湖小酌

忽有一事碍胸次
擺脫不得呼酒來
淇二滌二混沌在
坦二蕩二虛空開
精神半生留筆墨
形骸昨夜爲樽壘

年二看梅今白髮
晴日江路行莓苔

○ 產天錫

采石驛

客路青山外
鄉心落照邊
潤清浮野樹
涼雨過淮天
水調誰家笛
江帆何處舫
蛾眉亭上月
今夜照孤眠

采石懷李白

夢斷金雞萬里天
醉揮秃筆掃蠻腰
錦袍日進酒一斗
采石江空月滿船
金馬重門天似海
青山荒塚夜如年
祇應風骨蛾眉雪
不作天仙作地仙

過石子岡

霞光日落紅穿樹
山色雨餘青近人
便好拂衣入山去
解鞍卸却馬頭塵

次王叔能侍御史

龍蛇偃蹇出墻陰五色春雲態度深
蒼閣文章散清氣月明山館夜蕭森

次繁昌邑宰梅双溪韻

矍鑠繁昌宰曾充觀國員儒冠猶破帽
禮服尚垂紳澹泊心无愧清癯自有神
老膺朱紱貴驚見白頭新撫字三年政
歌謠百里民

○林彥樂

元會習儀和鄭子完

西山晴雪照堦堦法曲天香會合時
在野只知羸帶力進朝方識漢官儀
日明黃道瞻丹旆春滿青都擁翠旗
冠佩又承新雨露太平報效有深期

○李源道

次韻送虞伯生使蜀降香

城南尺五去天低迴首形樓十二梯
六月岷山猶有雪三春雲棧迥無泥
浣花溪上看秧馬芳草渡頭聞竹雞
見說草堂遺構在公餘須到錦城西

喬木千年劫火催我君眉峰頂自崔嵬
岷江東去入西上驛馬南嘶鴈北來
蜀國山川明似登文公風化冷於灰
太常直筆少詞伯既倒狂瀾賴挽回

皇華驛使氣凌秋風繁沉雄隘九州
金印暫辭金殿去錦衣还作錦城遊
文高方朔三千牘刃善苞丁十二牛
好向名山瞻勝境遊香遙捧祝宸旒

○夏果不齋

和山間秋日見寄

門前絕愛竹成坡室还其如人遠
何亦曉不如歸去樂真成無可奈何
歌詩翁自此工難少俗子於人一掃多

何日同君秋月下桂花影裏舞婆娑

過洞庭

萬里玻璃一掌平倚蓬人去似騎鯨掃陰雲霧天無影
彈壓波濤夜不声一劍秋橫神鬼泣片帆風勁死生輕
詩成不用漢人語怕有蛟龍听得驚

上田發事時作教諭已四年

早年化筆妙衡銓絳棧書我意藹然名節綉衣雷漢上
精神玉樹晚風前古人針芥總三語今得蓋蓋已四年
昨夜書幃光彩動使星炯二斗牛躔

過岳縣

水紋如席浪花收謝遺湘中鹿角舟白露已過秋日淡
青山未了曙光浮諸賢豹變雲生足老子龍鍾雪上頭
可惜隔江灯數點勿二過却岳陽樓

送王副使美辭

瓜戍無情逼歲年歸期行色占春先南商北賈多遺愛
剩水殘山有宿緣青柳一枝江上酒碧波千里月明舡
衣冠文物傳江左好在家庭續晉賢

胡斗南

悼文山

烈指西風感別離乾坤人物太奇二生為孝子忠臣勸
死有皇天后土知万折江流魚腹石千年人立首陽碑
一門史氏春秋筆愁把湖光入尺盃時

陳中山

饒理伯容調江西憲掾

五陌春官第重登憲府新人皆形跡避君獨肺肝真白
飲瓢惟水風行簪掃迎明朝江右客秋色滿湖濱

奉題丁氏竹堂并寄庭玉嚮仰之意

慈州二判經年別黃鶴山前見何咸聞築新堂臨水勝
刺我脩竹与雲黍午風窓戶清含雪晴日琴書翠滿嵐
欲拉王猷時共造幅巾揮塵縱清談

錢郭端友舟楫巴陵并寄希仁兄問訊之敬
送客巴陵目遠鴻英年嘉樹玉青葱門趁及盈載諸侯貴
地閱輿圖七澤雄極浦揚舲清漲瀾亭留迂響碧霄通
別來安穩懷鄉否煩問同年鞠蒼公

題甘文卿杏隱卷

祢子洲前万杏花一壺仙隱客成家抄書聲平分香露
洗稟溪邊踏錦沙布素屨煩卿相捐劔芒終拂斗牛斜
曲江又廢明年會栽樹何由見倚霞

錢季華甫調武陵掾

府史才猷俊沿書調武陵秦砲懷舊澤肱被割秋菱君
枕菜菓苦艸舫杜若馨滄浪濯緩必搔首憶吾曹

○宋梅洞

挽胡軍慰

搏虎鬼猶泣屠龙地亦沉无兄寧有昔有弟必无今鍾
鼎他人手舟車過客心不堪回首处残月墮花陰

哭岳王

天意只如此將軍重可傷忠无身報主冤有骨封王舌
雨樓楹暗花風厝路香沉思百年事揮淚對斜陽

○龍共子敬

送揚志行

纓冠楚二濯滄浪彼美人兮淇水陽大府久須唐令錄
中州正用漢文章只今滿眼真能幾遲莫相看耿不忘

至治朝廷天咫尺裁哥丞相李復及

送秦裕之補南臺掾

南臺礼意特相招送客深亭自寂寞夜雨灯前春幾許
清風扇底暑全消中司執法分曹掾掌政名宦佐使軺
捧檄還應為親喜宦途等是上雲霄

題張氏所藏石經

洛溢河清世之李鈞黨諸賢死无避橋門冠帶此何時
詔与群經正文字議郎二將二領書觀者續紛門外車
似愛方冊重灰炆且可鑄摹辨魯單南臺四部存我碩
誰見世間完六籍漢傳區二摺拾方到今不是糊塗墨

述懷東張仲實教授

霜清起病骨臥久忘遠籜殘息不煖衣短髮漸入梳
步世何用早意適事不如既知非所能裁足不願餘粟

苦尚可飲家貧誰可居秋來窘弊陰百斛沉臺疏帶穗
尚采撥吾生愧耕鋤南窗美朝陽昔公遺古書風竹如
應門一室自掃除西庄張公子為我日向車言笑適相
娛猶夢尋得疏

掘山藥哥

綠薜紫藤細色子種五綿延香透髓晴粧歲晚香不起
托命長鑿山台裏小隱墻來擊藥桐籟玉政得才樂二
服食相傳養生訣茂陵刘郎和露豨

病起試筆十韻

積雨迷空閣翮二冬去舟將家值卑温无事淨清幽安
石床高卧義園已倦遊壯心適如意短髮寄搔頭病約
山容瘦閉窺鳴影浮双扉空自語一榻淡相留查家紫
紆晚盃弄滿酒秋黃花荒古道白日起滄洲不死千金

藥平生百尺樓暫分仙枕夢遙訪羽人丘

謝陳盡天惠蟹

寒浦縛來腸已無枯骨裹肉一自腴爲君喚醒江湖夢
孤蓬細雨聲相濡貧家不辨滿眼醅糟頭酒滴紅真珠
起來獨坐秋風裏一徑晴寒菊數株

。梁隆吉

題葉東叔賓月堂

人生自是人間客月亦天邊寄此身彼此虛空無着處
誰欲是主復誰賓

。李古淡

題子卿牧羊圖

自是天工肯放回二頭羞殺望鄉堂漢風吹散羝羊隊
却入麒麟隊裏來

。李誠泉

寓洪中秋詠月

金水鑿成一樣秋三千世界雪光浮城中見月能多少
擬借仙人十二樓

。彭公庵

贈彭鉄面相士

只戴黃冠不象冠双眸炯炯碧兒蒼集江南多少秋風客
巖若山人一笑難

。仇仁近

潮

一痕初見海門生頃刻長驅作怒聲馬突圍天鼓碎
六鷺翻背雪山傾遠潮翻鷗心猶在直上巖灘勢始平
寄語吳兒休踏浪天吳象罔正縱橫

○只漢儀

贈楚山樂路教之金陵諸御史

官滿豐城車載膏遠從建勳竟同袍兩查片伴春風轉
霜重柏堂秋氣高青眼故人加顧盼丹心即日表英豪
金陵山水多佳麗伴客登臨莫憚勞

吹簫歌贈金精山人陳天佑

金精之山何岩峩夜深明月涼簫二中有可人好絲竹
抱明月兮吹洞簫二士鳴三響空碧踏蛟起舞山鬼泣
含宮嚳羽妙入神月落參橫朔風急曲中却憶秦樓女
秦樓繚繞知何許鳴鳳双飛竟不還至今遺事傳千古
君留吳中猶未發我亦知君調殊絕明朝却賦漏去來
吹簫還弄金精月

皇元風雅卷之五



皇元風雅卷之六



○何願貞

長沙留別董仲達陳君直

歲晚客衣薄揮毫更酒杯五年差一別兩月却重來南
星夜相語北風和未開他年蒼雪上回首定王臺

黃子肅

古意三仲章貢侍御

娉婷二八女絕色妙難盈新庄薄鉛華照影倚竹下盛
年事夫婿錦玉耀精舍雖非伯寫妻倦然惜春夜琴瑟
月當軒默二倚風樹守語東家兒紅顏莫輕嫁

梧桐生高岡雲氣涵空清南枝掛孤月上有意鸞鳴大
匠揮玉斧輝然合天成莫之白玉堂被之絃歌聲一彈

松風來弄鼓溪月明子期人已往青山為誰情

題竹外一枝梅花

仙標何處來一笑倚空玉晴窓見疎林座上春可掬山陰帶殘雪水影兼遠綠珍重孤竹君歲寒伴幽獨

贈醫人黃子厚

悠二淡上山疊二山下雲出人不出戶芝草日以春伯也種丹杏心与孤鴻輕冲也携玄霜西風林間声世降運不齊病隨人心生芳章何所无誰能極其英吾宗幼幼方積久用更精金丹有时合白日升蓬瀛

春晚

春老他鄉奈老何可人紅紫漸无多雨來綠柳坡頭路記得流莺第一歌

題春江小景圖

小艇無人載綠陰白鷗閑外筭成林不知多少山中雨染得一江春水深

分塘懷友

舟泊風林一鴈聞白蘋紅蓼共思君月明江水多於海雨後秋山碧似雲

登福山遇僧偶出

欲扣禪關未有詩滿山空翠濕入衣行間跌在到西月試看白雲偏未歸

鸞嶺雲間杖屨幽竹風松影共悠二何人分得僧家榻坐看南山一片秋

贈汪玉成

千里還家独抱琴象山香在白雲林曉夜莫厭江東路人倚梅花雪意深

友人見訪不遇

君乘白鶴下青雲我入春山听曉鶯可惜小樓風雨過
無人收拾方松声

尋故人

適與一尋君二家在白雲幽花春後見落葉夜深聞隨
意坐苔石呼童煮澗芹不須談世事詩思正紛二

留別

相尋復相別把酒意如何雲石有時合風端無定波此
生無出處一笑對嗟嗟長揖下山去暮煙浮女蘿

哭朱教授竹所

日閱竹平安妻然泣白雲講堂春寂二歸路夜漫三前
席成虛設斯文已不刊此声雲谷外落日帶霜寒

天運不已歲事又春李已可乎作自勉詩呈

李初教授諸公

東風一笑可人心旋瀝新醅對柏樹山色未勻春意淡
梅花已老白雲深半軒依竹閑聽雨千里懷人欲抱琴
試問樵溪隔年意碧波東注渺難尋

送三山張國寶府掾美歸

三山星斗高貼天三山湖波走百川張公平生飲中仙
襟度脫落神飄然三山神人不敢友天風吹度金鰲頭
掃清案牘待明月平鋪綠水栽紅蓮公庭無人山色落
時有双燕歸簾前樵溪夜雨深一尺城外明朝翠如織
春歸草木不可遮黯淡已作離別色離別兮奈何若有
人兮佩女羅公不顧方山之阿滄海渺二浮雲多

縣令行

石田海上秋不熟抱琴入山翠如簇白雲一榻流水深

獨對青松結茅屋西風喚起泥塗身野冠來見天上人
靈丹一粒肯分與使當負水供炊薪

題高都事戴松二牛圖

東風吹浪翻平林吳江咫尺移春陰牧童曉出不知雨
日暮歸去清溪深一童驅牛涉古岸草煙慘淡迷目觀
雙蹄湧出曾水間蒼峽蹴翻石雲斷一童路策溪中流
喚風不動波悠悠恍然顧影驚自失尚疑身跨蒼龍遊
平欄遠峰結寒色至今宇宙留墨跡可於三子人不識
我欲問之漢津客

送素庵劉掾官歸

當年綉斧出九天倏如白雲下長川千峰收雨作秋色
至今梧竹吟寒泉泚臺重來又三載一將出匣光不改
水壺盡貯明月秋風露溼二接滄海二空迢二行五麟

霜影蕩漾龍蛇驚石田歸來紫芝好策馬更入南山青
南山歌兩岐何如陽春生物二不知魯人須泮水何如
弦歌一千里昆也虎渡河寬也蒲作鞭何如樵溪九曲
落葉靜平鋪綠水栽紅蓮紫薇殿前列藩輔華蓋洽二
五星聚夢龍蹴躡天一方蟋蟀吟秋桂枝暮逢來楓葉
昨夜秋瑤樓夢竟題金甌銀河橫空白鶴去安得追逐
釣天遊

送僧定觀歸

詩僧白丈來復作五臺別丁然振金錫桂子落秋雪山
空白雲開風息萬籟滅相思何處無江湖一明月

○張希孟

過長白山范文正公書堂

長白何苦荒下有讀書室人云小范老於焉競晨夕蕭

二巖荆榛落二林泉石拳二往瞻拜共二如相及維宋
慶曆間群賢麟鳳集孰先天下憂一統經綸白中朝固
有人西夏諒難国力言出師凶深慮丰澤失炳我先見
明韓富者漸德奈何時相益欲碎和氏璧向非
仁廟知千載血應碧至今忠義氣高壓方仞壁所以德
業高要知清苦積功臣自古多動為富貴役視公平生
心霄壤邈相隔但能一善兼亦足千年空遺容揭日星
未竟闕空魚長歌景行詩夙林撼秋色

晨興用俞立之韻

空碧洲痕淺深青地勢平岩姿呈雅淡樹影碎空門窓
納一天曉人懷千古榮移床高处坐遙看日東生

惜鶴十首

鶴仙禽也由凡翼非其比恒不為世人所

愛而愛之者往二皆山林中人蓋物以氣
合理勢然也余嘗得其尤者一豢之既久
翩躚與人相習日者為田姬傷其脛凡病
兩月斃惜哉因取其始末作十詩以慰其
不幸云尔

購鶴

野処幽拙甚千金得令威挾雲出塵綱領月到柴扉索
足妨賜去遼亭使幸飛至今湖上路樹石亦光輝

友鶴

雲雨手反覆紛二知己誰玄裳真莫逆皓首誓相期把
酒或前弄遊山時後隨會看作人語細与話瑤池

病鶴

渠本仙家物胡為久不安強行時榻翼歌立恐道舟誰

藻相如渴飲伶茫衣空一鳴雖確二猶自徹雲端

醫鶴

饋藥人空數乘軒三漸低无心吞餅餽何處覓刀圭暴
日資丹火杯泉洗雨泥護令通臂友時復憶幽棲

挽鶴

共處人烟外誰期禍及身九臯空有恨四野欲无春華
表雲應淚瑤臺月亦塵當年林外士泉下定相親

招鶴

歌徹楚人些冥二恨亦增楓林空落月蕙帳亦空灯仰
問天无語呼聞谷謾應料隨風露氣飛入乱山曾

塞鶴

非為恩惟蓋從遊歲月深忍令一杯土埋尽九臯心致
英魂幽憤為名著德音小松栽尺許悠久庶能尋

憶鶴

玉立昂藏意山中我与君幾年游賞共一夕死生分徐
步閑窺望高飛遠帶雲為誰重起羣荷仗立斜曛

夢鶴

綉幌灯昏處依二見瘦軀引吭如有訴側頂不容呼枕
上行雲遠松梢落月孤堪於漆園叟謾為蝶遽二

圖鶴

百計无從見明窓吮筆圖研朱染霞頂屑玉抹雲橋野
狀難非似山居亦勝无却愁風露夜披宅上天籬

趙茂原

贈郭山長婦括蒼兼簡葉縣尹林府判

夜听春雨鳴雨晴君欲行君行向何處回窺括山青括
山力疊青未了漠二蒼煙隔飛鳥三年官冷不得歸二

夢時二度雲嬌竹籬鉤勒啼夢殘落花如雪春風空客
途塵土何漫二握手未許攀征鞍東關且尺雙樽歡東
關柳如帶中有別離態折贈不可持依二自相待宦遊
江海事多遠我輩論交金石在筆頭咫尺天涯別行李
滿二浸明月出門大笑心激烈良儔往二多契闊每一
思之生白髮白髮生何足驚志士慷慨期晚成酒澆磊
魄澆不平况復不飲難為情長歌散作陽關聲子先歸
兮我暫停丈夫耿二氣肯洒兒女淚浩蕩天地間清流
豈常聚郭公子休徘徊京城二月鶯花開東書早上黃
金臺黃金臺上多英才拾取青紫笑快哉秋來我亦遠
遊計萬里殷勤定相遇到手功名俱得意却誦如公長
短句

曉寒曲

曲欄廉纖杏花兩博山煙飛最晴幾夢回金帳春融二
鷓鴣鷺鷥空隔窓語美人曉粧雲雨梳柳風吹香入氍毹
翠鬟懶二縮不斷寶釵壓鬢紅珊瑚丫鬟捲簾採挑華
鷺起一双黃蛺蝶

秋宵吟

平林薄暮風淅淅黃金雨地秋狼藉新月出鎖光欲流
萬籟无声夜寒悵誰家美人吹鳳簫彩鳥對舞摩青霄
闌干縹緲碧雲遠天風入骨涼蕭二銅壺水寒銀箭前流
玉露滴空衣袂濕紅花落及炉煙收幽懷耿二生新愁
空聲帶碎人間秋

楊達可

渡江寫懷

手挽天河落九溟浪声淘及世間塵一川光浸梅花月

萬頃波涵棟葉春風雨不忘歸海意乾坤未老涪川人
此溪浩蕩流千古回首春山更廣青

○吳仁傑

送汪水雲入湘

碧水波翻海亦摧奮身鰲背護蓬萊
却取關中紫氣回大道有形須變化
玄關無論任敲推
携琴更拜蒼梧野猶想南薰入調來

○鄧士咸之

即景

樹影禽聲門半開
牆東一徑沒蒿萊
池塘通得官溝水
時送青萍幾點來

絕句

清風左右涼滿室
正花香琴聲偶然斷
不是客來妨

芸二陌上人

芸二陌上人各為衣食謀
饑稍不迫彼亦無譏求
豈知衣食外復有千端憂
二樂本皆然悵然寸心休

捲卷

夢中有得意竟來還
自喜捲卷嗒無言
殘日在書几

江橋樹次阮魯齋韻

江橋樹日二斜陽
暮春風吹落花半隨流水去
花落有盡時水流無斷處

阮詩附

江橋樹在再年華
暮迎得行人來送得行人去
落葉成秋風行人在何處

宿山家

秋深客路已無聊
此宿何堪更寂寥
雨葉響林人語寂

風灯近竹客心搖
村醪味薄愁先醉
野叟情親語漸驕
惟有兒童忘世故
向人敬獻到明朝

聽琴

桐花門巷小立久
忽聞琴海鶴天風
急山猿秋雨深
一時真得趣千載
有知音雖是无絃
達何由會此心

落葉二首

秋庭晝無人落葉
自滿地端居觀物
化人生亦如寄朝
聞鳴蟬悲夕已見
其蛻歲晏共蕭條
愴風發送咽
落葉日已深庭樹
日已瘁樹猶不枝
梧葉亦甘委棄寧
隨高風飛毋隨流
水逝飛者或連樹
逝者渺无除

陳敬翁

晚過玉林西齋二首

佳客因乘興能來
慰寂寥空山多宿
約好語在今宵白

亭秋月急青帝巾
酒遙半升无处問
清抱可能防
庭雨俱鐘晝燈花
待客詩三生今夜
宿此通幾人知分
契情何厚林高語
自竒直為知己用
非敢傲當時

月下琵琶

不以尋陽縣哀絳
帶客愁素娥窺夜
曲明鏡入南州指
滑鶯初語腔新柳
共柔向剛兒女恨
腸斷溪宮秋

柳邊漁笛

莫負章臺路青絲
弄未休楚江歸去
釣湘竹語孤舟一
葉秋生樹何人夜
倚樓舊時明月裏
吹過白蘋洲

初夜

独坐幽窓三峇塔
日脚收客衣涼悵
寫他月夜私秋物
遣身猶累心闲迎
夫出故人情分好
睡不記淹留

晚坐

綠陰深處寺日暮坐幽人水影光初劫苔痕塔半身
江无過客高竹是比隣夫信清談少因看塵毫塵

過胡震亨幽居

欲復問何處行遲稍認門路隨幽草入巷与綠陰分市
盡入初遠言忘意獨在所經得才後猶足慰斯文

清曉過鶴上仙人

仙人睡方起松日高數尺入戶聞琴声停步立台石
情契幽絕每坐忽終夕長揖道香清歡言止蒲席

贊分宜縣丞吳子彦

道合无論見神交早為詩十年諸老盡一淡半生知
草今无夢山陰復有期絕疑汚具眼猶意得吾疑

蕭南軒

寄吳子彦歸江東

鳴禽誰倚洞蕭過黃鶴樓前舊脫靴天上佳期今夕共
江東歸思白雲多清風明月故人識有酒無魚良夜何
莫孝鄉音唱芦葉桂花滿載待西河

寄黃尚雅

莫惜隔年期行當与子違門深紅葉字秋入菊花詩酒
熟蟹將到野肥膾可思西堂月露重早下讀之悻

先一初

丁丑新正試筆

偃指遽年逝今朝曆又新野煙痕作晚山雨細勻春
世貪為苦空門懶是真聊將双碧眼跌坐閱時人

陸文圭

燒筍賦竹字韻

先生朝盤厭首宿筍味得全差勝肉蒼頭掃地犀角出

赤燄燒空龍尾秃土膏漸涸外欲枯火交微爐中已熟
撥灰可惜衣殘錦鮮穉猶恰實灌玉青二無分長兒孫
草二為人供口腹李家丞相衣蒟蒻石家美人煮豆粥
去毛留項有何好擣韭作葢空自速不如野人下食淡
自辦行厨入脩竹句裏曾舉玉版師胸中會看黃管各
主人不問不須嗔昨夜西風響林屋

。陳魚村

題按仙樓

五老峯前第一山天開綠野待公閑令威白鶴重來白
老子青年又度關花木四時二月裏樓臺一簇五雲間
我來便有凌風想為問先生覓大還

。易炎正

環秀樓

萬碧穹環類九嶷危樓翠接清漪山人本是山中客
山外看山二更奇

。張嗣良

尋梅

夢中寄荒遺騎驴一放棄野梅過流水香斷无尋處天
寒歲又晏偃寢定傷幽素独行山谷深積雪迷歸路

曉行

夢魂短二春宵殘皆二雞語催征鞍東方彷彿淡月曉
柳露細拂征衫寒僮僕前行指了路那个長亭經某處
离情莽二不分明黯淡孤村煙半樹

。何大虛

暇步作

陰雷通煙碎作霏春風吹入煖成泥女郎挑菜不知濕

調笑相携過水西

除夜

風繁二雨霖二宗輕新柳潤春到落梅稀筠籃入市買
紅燭煙火松林人醉歸

元日

聖主龍飛肇紀元野人相賀板扉前不知顏色老昨日
共說時光強旧年井口杏花春值雨墻籬柳葉煖肥煙
長溝緩轉風荷綠林下鳥捷漸受鞭

寄程承旨

元凱同嚴召留班錫異恩聖神恩治切宗社有公存地
立鰲峰峻天依鳳閣尊爰爰謀道合且與共心論妙幹
時雍化不揚祖烈敦堯文嚴大典虞采倚昌言卦象丹
凝鼎星符紫照垣奇齡扁碩德至曆肇

皇元花竹蕃三谷雲霞煥九門相望清昼求朝下酒盈樽

訪貢待制舟行阻風

今且始自信余生非數奇懷人發清興欲雪成良時波
響双槽澁灘寬衆帆馳危查立小渡殘竹懸斷旗拍浦
見鴉合轉蓬惜蜂移深烟曲江磬微雨三洲炊寂闌有
餘適濠洪无定安余寧不可奈久与西山期

送吳主簿之官石塘

簿領池州去開帆帶雨微當今公事簡見說縣人稀雲
入九華碧鴈驚秋浦飛丁寧橋下水官滿載志歸

次韻甯志道袁氏借庵夜具

空庭山色重積此松桂陰微風從何來一鳥驚前林清
心有密契幽听得遠音定灯照孤館歲晏夜偏深

送人歸臨川

金河疎樹外，去棹響流澌。為客有歸日，送人愁別時。冬
雲隨鴈遠，南雪到山遲。日隱書元憲，行藏莫豫期。

酬揭曼石重贈

歲晏君獨留，路長我將發。林居雜共語，帝里易成別。黃
水逐人飯，依樹因車歇。今夜抱衾眠，街頭響鐘絕。

遇曼石有贈

十年相勸忽相贈，猶記志題狎故人。京闕詩傳多應制，
里門祿建獨榮親。梅花滿映林霏雪，柳眼初迎葦路春。
知是高情難去任，此身誰是自由身。

程季士山房宴集

芳郊暖微煦，眾岫分餘烟。迤望遠壑趣，歸心轉延洞。
開石扉，及澗阨。眾流喧居人，隱古俗香氣。通幽禪艷綠，
度登梁語笑相。後先飄二縱，飛袞松聲正。嶄然窈窕山。

曲拂麗構朝霞，艷動庸在廊。廟傑客儲芸，編緬懷康樂。
公竒蹤此周旋，詎知有今久。聯集玉堂仙，羣鶴亦與喜。
共舞芳樽前，无情尚方感。矧當後諸賢，暢飲抱真適。遠
以寄微言，茲遊即千載。湛董期相傳。

贈元復

暖雲流青堤，光風轉芳甸。遠在天一涯，幽沉限聞見。點
二秋，歸鴻翩。二春來燕，天路万里通。胡宇絕遐瞻，奇姿
奪南國。悵望愧踈賤，良會慰夙心。願君畢歡宴。

梅

奇植遺山澤，英姿照古今。醜熏黃三極，貞色照平林。年
運神孤王，陰凝力独任。太清涵妙影，元氣託芳心。薄雪
村二淡，輕烟澗二陰。蒼茫何見晚，邂逅却愁深。南紀開
春事，幽情寄碧岑。自於餘短策，相對發清斟。

元真寺橋小憩

古刹傳清楚橫橋兩歇時年華流水去春華落花知字
宙遺陳迹江山本後期向來多薄命今日信枯藜

柳下

是誰安宅子占得綠楊陰山色春來長溪流兩後深樹
隱飛鳥疾人近感魚沉舟子船頭望安知不解吟

陳晉齋

次滕玉霄韻

自是男兒志四方明時上國快觀光儒冠誤我青綾被
人品還君白玉堂取友平生半區宇論詩今日得深梁
歲家祇有梅和竹風雪相看味更長

呈草庐吳司業

斯文梁棟在成均自許儒冠可立身拍案曾襟五經笥

清高地位十分春泰山北斗道行世亦前灵芝意自春
多謝春風薦賢筆肯甘躍冶外陶鈞

甘露庭

贈羅浮山

吾聞羅浮山中人綠樽吸及梅花魂花間騎鯨度海門
吟詩小在江南村詩中有时得相見雪中何年同白戰
一朝文運天門開布衣飛上黃金臺姮娥却忌君年少
未許青雲致身早鬢眉半染燕山秋万里归来夙格老
我家大白清海湄与君邂逅荷花溪大椿庭前酌美酒
長松石上看殘棋浩歌白雲動長嘯青雲飛篝灯便共
談秋雨喚起英雄語千古二来將相皆神仙刘侯諸君
青雲士我願君今重努力天上風雲生羽翼万花立馬
看游龍錦袍露染天香温功名得意早归来携手三山

弄明月

○凌虛谷

秋夜長

秋虫嘯三窗莎底城頭秋月白如水二十五絃秋夜長
點二滴斷離人腸万里一身風露涼家三秋砧搗衣忙

行路難

日月高懸天闕裏何曾照着幽泉底不見灵均伍子胥
忠臣翻作啣冤鬼自昔拙人遭諸謫多因疎樹叢唇齒
片舌鈿如巨闕鋒寸心險似瞿塘水行路難行路難羊
腸九盤那可攀只愁平地生噴坑

○高孤雲

午過半間僧室

入門聞香風一樹桂花吐方丈半鈎簾空山度疎雨銅

炉上秋煙茶甌到賓主對景適忘言齋鐘報亭午

觀益山水

遠樹幽三屋平沙款二人片天殘雪意一墨萬山身意
到形臻妙工深筆有神高堂風日永長玩四時新
怒石分兩水奇峰入半天野橋歸去路疎樹有无煙取
用非工到精神在意傳道心少終日物我趣忘年

蠟燭

取質蜂甜後融春火力深直中元有骨明如本无心花
吐燒空日在盤照夜金剪殘更漏末樓月度高林

春梅

○應居仁

題歐陽氏楊妃春睡圖

咸陽宮殿開東風上林花發千樹紅啼鶯語燕弄白日

太真嬌凝睡正濃九華帳暖揜不掩鬢髯釵橫慵整點
翠衾薄籠水雪膚寶枕痕深紅玉臉王郎要與遊陽臺
躑躅曳踵床前來擁扶侍女遍卧側惺惚困眼初半開
盈工會此无窮意寫向屏惟留後世憑誰喚取春夢回
漁陽鼙鼓声如雷

送黃錄判宣城之官

紫髯秀羨黃使君逸志雄材草不群北上奎章拜
天子東遊寧國佐參軍征帆千里長江水官舍三年疊
嶂雲相望相臺應不遠好將政路播殊芬

送舅氏楚山樂教授之金陵謁燮御史

金陵形勝壓江淮舅氏斯行亦快哉况有故人熟馬客
能无新句鳳凰臺風高鷹剡天边去雲擁除書日下來
遙想扁帆應快意江頭千樹發寒梅

同集六卷終

第	35780	号
平成	3. 11. 22	
聖園	学大	928
園短	書館	丁
圖書		1

太真嬌癡睡正濃九華帳暖揜不掩鬢蟬欵橫慵整點

號
SE 11 8 臨平
卷 冰 盤
大 鼓 圖
鼓 音 圖

學

